

Сембе масторонь пролетариятне, пуromoда марси

КОЛХОЗОНЬ ЭРЯФ

ЛИТЕРАТУРНО-ХУДОЖЕСТВЕННОЙ
И ОБЩЕСТВЕННО-ПОЛИТИЧЕСКОЙ
ЖУРНАЛ

4 №

АПРЕЛЬ 1939 КИЗА

САРАНСК

КОЛХОЗОНЬ ЭРЯФ

(КОЛХОЗНАЯ ЖИЗНЬ)

№ 4

АПРЕЛЬ 1939 г.

МОРДОВСКАЯ АССР-нь
СОВЕТСКАЯ ПИСА-
ТЕЛЕНЬ СОЮЗОНЬ
ПРАВЛЕНИЯТЬ
ОРГАНОЦ

Л И С Е Н Д И
КЕМГАФТУВОЦЕ
КИЗОСЬ, КОВТИ
ВЕСТИ

Врид. отв. редакторсь Ф. С. РУСЬКИН. Литредакторсь Я. ПИНЯСОВ

Сдано в производство 19/IV-39 г. Подписано к печати 10/VII-39 г. Формат бумаги 72×105^{1/4}
Главлит № Б—35. Объем 3^{1/4} п. л. Тираж 315. Заказ № 2631. г. Саранск, тип. „Красный Октябрь“.

МТТ 24-1
6

КОЛХОЗОНЬ ЭРЯФ

ЛИТЕРАТУРНО-
ХУДОЖЕСТВЕННОЙ
==== И =====
ОБЩЕСТВЕННО-
ПОЛИТИЧЕСКАЯ
Ж У Р Н А Л



4 №

ОТДЕЛ

НАЦИОНАЛЬНОЙ ЛИТЕРАТУРЫ

САРАНСК ОШ

1 9 3 9

THE UNIVERSITY OF CHICAGO

PHYSICS DEPARTMENT

PHYSICS 309

LECTURE NOTES

1962-63

1962-63



Социализмань эпохань лучшей поэтсь Владимир Владимирович Маяковскяйсь

(Кулома шистонза сявомок 9 кизонь топодемати)

Владимир Владимирович Маяковскяйсь, Сталин ялгать определениянц коряс,—минь советскяй эпоханьконь лучшей, талантливейшай поэтсь.

Сон шачсь 1893 кизоня июльть 19-це шистонза, Богдады вели, ингольдень Кутаисскяй губернияв, лесничайнь семьяс. Алянц куломдонза меле кадовсь эрямань средствафтома. Нинге йомла цьоранякс сон тись соткс большевик-нень мархта и 1908 кизоня ащесь Москуса Бутырскяй тюрьмаса.

1912 кизоня Маяковскяйнь ушедсь литературнай деятельностью. Васень жа эсь стихотворениянзон эса Маяковскяй выступает сембе дореволюционнай общественнай стройть каршес. Сон изображает измученнай и страдающей, общества юмаф ломанть, коса сембонь лангса управляет мимась и рамамась. Маяковскяй резкайста выступает империалистическяй войнать каршес. Сонь дореволюционнай произведениянзон эзда яркайкс ащихть „Облако в штанах“ и „Война и мир“.

Октябрьскяй Социалистическяй революцияда меле Маяковскяй эстакиге жа арси советскяй поэтокс. Сон вяти напряженной агитаторскяй работа, рисовандай революционнай плакатт, сьормады революционнай лозунгт, сяка пингть работамок оцю поэма лангса. 1923—1924 кизоня Маяковскяй нолни эсь инь цебярь произведениянзон эзда фкя „Владимир Ильич Ленин“, конанц эса тейнза удалась оцю вийса рисовандамс вождть обликонц и выразить народной массатнень чувстваснон Ленинти.

1928 кизоня Маяковскяй сьормады „Хорошо“ поэма, конац посвященайль Октябрьскяй Социалистическяй революциять изображениянцты, кона яркайста няфтезень Петроградса Октябрьскяй шитнень и кона пшксель революционнай энтузиазмаса. Тя поэмаса сон азонкшнесы советскяй гражданинтъ чувстванц, эсь родинанцты сонь кельгоманц:

Мон
Земной шартъ
пцтай сембонь
йотайне,—
и эряфсь
цебярь,
и эрямс
цебярь.
А минь бучасонк,
боевой, кипучайсонк
нинге сядонга цебярь.

Маяковскяйнь мекольдень оцю произведенияц, конац 1930 кизоня сонь пингта ингольдень куломанц сюнеда апак аделаколь, ульсь вступления „Во весь голос“ поэмати, конанц эса Маяковскяй сатсь художественнай оцю выразительность.

Оцю поэмань сьормадомать мархта сяка пингть Маяковскяй работась и башка лирическяй стихотворениятнень лангса. Синь эсост сон маштсь откликнуться минь эряфоньконь основной событиянзон шири, яростнайста тюрсь классовай врагть вылазканзон каршес и капитализмань пережиткатнень каршес. Сон рахси советскяй бюрократнень лангса, няфнемок, например, „Прозаседавшиися“ стихотворениясонза, ко-

нанц шназе Ленинць, учреждениява
пфтома заседанияитнень. Сон славит
советскяй геройхнень.

Маяковскяйнъ стихонза пшксет ком-
мунизммати беззаветнай преданностьса,
эсь родинанцты кельгомаса, националь-
най гордостень чувстваса; „Советскяй
паспортть колга стихнень эса“ сон
сьормады:

Читайте,
завидуйте,

Я—

гражданин

Советского Союза!

Исключительнай политическяй чут-
костсь, поразительнай остроумиясь,
огромнай художественнай убедитель-
ностсь—сембе тя няфтезе Маяковскяйнъ
значениянц кода крупнейшай и кинь
мархтонга непревзойденнай советскяй
поэтонь.

В. Перцов.

103-це № одиночкась

В. В. Маяковскийнь биографияста отрывка

Бутыркав, 103-це № камерав Володять пькстаманц мархта аделавсть тейнза вольносттне. Тя ульсь настоящей тюрьма и одиночка валть полной смысласа. Володяти, кона тьождыста повондсь угрюмостьс, конанди эрявсь обществась, штоба улемс остроумнайкс, састь стака шит. Сонь камерац ащесь нилеце этажса кержи ширеса, кона лисендсь севернай башняти. Кота аськолкст диагональть кувалмос. „Парашась“,—сонь эздонза вентиляционной трубась. Табуретка, боку йоряви аф оцю моркшкя, койкась тяфта жа боку йоряви. Кенкшть эса форточка, конац кайгозь панчсеви коридорть ширде, сонь эзганза макссеви кши, лакаф ведь. Традиционной „сельмоня“ арестанттть мельге ванондомать инкса. Аф сери вальмяняц кодаф сиде решоткаса.

Ся революционерти, кона ащекшнесь лама вастова, тяфтама одиночкась сядя цебярь марстонь камерать коряс, коса сави эрямс, кинь мархта шкайсь кучензе. Одиночкаса ули кода и ваймамс и лувомс. Володьясь жа васень шитнень эводсь тишинать эзда. Сембодонга пьк люпшнезе сонь ся, што сон лишандафоль марстонь прогулкать эзда, ащемок кода следственной, кинь нинге тевоц апак аделак. Сонь лихнезь ськамонза комозьшка минута тюрьмать потма пирьфонцты. Скандалиндамс тяса ащезь сашендов—сембонь, кие изь латце начальствовать мархта, озафнезь карцерс или йотафнезь полицейскяй башнянь начка, шовда камератненди, коса вальмятне тифт тяшкава вяри, што алува мезевок аф няеви, нятаньцек ичкозе ащи менель пакшкя.

Шинять колга эсь тюремнай тоска-ваманц Маяковский лятфнезе сядя меле „Люблю“ поэмасонза:

Глядят ежедневное солнце,
зазнаются.
„Чего—мол—стоят лученышки эти?“
А я—
За стенного,
за желтого зайца
отдал тогда бы—все на свете.

Ванондомок од квартируть и ащезь кенерь нинге тонадомс скукати, штоба тиёмс сонь эздонза кодама-кодама полезнай тев, августть 24-це шистонза Володьясь сьормады Московскяй охраннай отделенияв прошения, конань сьормадозе обычной тейнза аф зависимай наступательнай тонца:
— Сяс, мес Охраннай отделениять аш и, конешна, не может улемс кодамовок фактонза, аш нльне уликанзозок, конат няфтелезь монь муворшизень ся тефненди, конатнень сьорматкшнесыне тейнь Охраннай отделениясь, а сянть, што мон марнек аф муворан тейнь сьорматфти тьождыста шарьхкодеви, кда проверямс фактнень, конатнень няфнине мон допрость пингста кода доказательства монь аф муворшизти, пьк эняльдянь тейнтъ ваномс монь тевозень и нолдамс монь воляс. Тяфта жа эняльдянь Охраннай отделенияти центральной пересыльной тюрьмаса монь ащемазень пингста нолямс монь марстонь прогулкас.

Владимир Владимирович Маяковский.

Сентябрь 5-це шистонза тюрьмань начальникть лемс Охраннай отделенияста сась ответ:

— Тонь кядезт максф тюрьмаса ащи Владимир Владимирович Маяковскийнь заявленианц коряс, Отделениясь зняльди Тейть, Ваше Высокоблагородия, азомс тейнза, што марстонь прогулкатнень колга прошенияц апак пяшкотть и сонь колганза тевть аделамозонза сон нолдаф аф ули.

...Панжевсь форточкась, и азозь: „Баняв“. Съкамоств ащихнень вятнезь баняв кафтошкаксть ковти, вятнесть камератнень эзда 10—20 ломанень сразу. Цебярьста арьси кой-кона арестантсь сявондсь мархтонза баняв чай, сахар и йотафнезе тоса пингть шовдава ушедомок и обедть самс. Начальствась сотцезе, што одиночникне тиендсть банявь эзда клуб, и аф аныцек клуб, но и явка. Сембе сяка тюрьма тянь каршес начальствась ашезь машта, правилатнень коряс мярьгондევсь вятнемс ломаттнень баняв, штоба афольхть урмаськад. Банявь сембе цебярь ширензон Володясь эстакиге арьсезень и ульсь пяк кеняртф тердематн. Фкя не мог сон ингольпяли арьсемс, што васьфтсы баняса Трифоновть*). Трифоновсь ащесь Бутыркаса ся пингть эзда сявомок, мзярда сон явсь Маяковскийнь эзда Сушевский частьса. Мзярс полициясь сотцезе Маяковскийнь адресонц, тевсь лядондсь фталу, и Трифоновсь ащесь несколько ков лишнай.

— Кода жа тон, цьора, глупайста тиеть, ашить макс содамс Шужярень сторожкаста эсь адресцень? Мон ащан тонь сюнедот зря...

Сяда меле корхтасть куроконь пингть ули судть колга, и Трифоновсь азондозе Володяти, кода тейнза эряви кирдемс эсь прянц.

Афкукс, аф лама шида меле—1909 кизонь сентябрь 9-це шистонза Трифоновть и Маяковскийть конвой эшксса сявозь Кремляв, коса ащесь Московский судебнай палатась. Судонь заседаниясь мольсь сьолгфста. Председательствовандась 3-це департаментонь председателсь Рангсь. Публикати путф шава скамейкатнень лангста родственниконь аф оцю группать и ся ломат-

* Трифоновсь — рабочай-большевик, конац организовандась РСДРП (большевиконь) городской комитетонь подпольнай типография, сонь квартирастонза 1908 кизоня арестовандафоль Маяковский.

нень йоткста, конат имели отношения тевти, Володясь нязе Людатель. Тядяц ашель, сяс мес Володясь макссь просьба аф сашендомс, штоба аф растроенакшневомс. Свидетельхненди путф васттнень лангса ащесь: портнойсь Лебедевсь, подмастерьят, городскойсь, конац кундазе Володять кухняста.

Обвинительнай актть лувомда меле ушедсь обычной процедура:

— Лувсасть ли тинь эсь прянтень муворкс?

Подсудимайхнень эзда кивок эсь прянц ашезе лув муворкс. Ушедсть кизефнемонза главнай обвиняемать Трифоновть.—Маяковскийнь мон аф содаса. Кие сонь кучезе—щяйтанць сонь содасы...—Тяфта жа кирдезе эсь прянц и Маяковский. Обвиняемайхне мезевок ащесь азонда оцязоронь судти аф эсь колгаст, аф фкя-фкянь колга. Но Трифоновть колга тевсь ульсь шарьхкотф: ингольдень каторжанин, тайнай типографиянь организатор. Рангсь макссь тейнза 6 кизот каторжной работа. А Маяковскийть колга кизефксти—мувор ли сон сянкса, што

...1908 кизонь март ковста, эрямок Моску ошса, примсесь участия российский социал-демократический партиять московский организациянц тевонзон эса, подсудимайсь содазе, што тя организациясь путнесь эсь деятельностенцты маластонь цель насильственна посягнуть Россияса основной законца ладяф правлениянь образть полафтоманцты вооруженнай восстаниянь организовандамать вельде... сяка пингть, улемок кундаф азф типографияв саманц пингста, распространяндамань целенкса эсь кядьсонза ульсь партийнай изданийт, а именна 76 экземпляр 1908 кизонь мартста нолдаф 1-це № „Рабочай-знамя“ газета, конань нолязе российский социал-демократический рабочай партиань Московский Комитетсь-70 экземпляр вяре азф сяка жа типографияса печатлаф прокламацият „Капиталть од наступленияц“ и 4 экземплярхт 1908 кизонь февральста нолдаф 1-це № „Солдатский газета“, кона органкс ащи московский военной организацияти, конац ащи российский социал-демократический рабочай партиять видеса... и ст. т.

Судсь отвечась:

— Да, мувор, но преступнай тефнень эса участия ашезь примсе, обществать членонзон мархта соткс ашезь кирде и обществать членонзон порученияснон ашезень пшкотькшне.

Трифонов ульсь довольнай,—Маяковскаяйнъ мархта сембе лисендсь тяфта, кода арьсефоль. Но фкя обстоятельства, кона лиссь судебнай заседания пингста, тошнагофтозе сонь сяшкава, што сон ульсь анок модать пачк тумс.

Лиссь тяфта, што Маяковскаяинди аф кунара топодсь 16 киза: сотовсь шяйтанць идня мархта. Трифоновсь эсь сельмонзонды ашезь веронда,—цьорась тяшкава оцю, самостоятельной, лангонзонза ванозь аф 19 кизода кржа максат. Однако, сякажа обстоятельствась, кона пяк визделгофтозе Трифоновть, решандазе Володять судьбанц: судть приговоронц коряс ульсь мярькф В. В. Маяковскаяйнъ „максомс родителензон ответственной надзорснонды“.

Кремляса судть зданиянц эзда Маяковскаяйнъ марса Трифонов мархта сявозь меки Бутыркав. Трифоновть ковандазь кандалас и йотафтозь каторжной отделенияв, а Маяковский лядсь 103-це № эсь одиночказонза, кода подследственной авань Новинский тюрмаста ворьгодемасть колга тевть коряс.

Знакомай пейзаж няендевь сонь камеранц вальманзон эзда: Бутыркать каршеса ащесь калмамань процессиянь бюрось, кона лятфтаф „Люблю“ поэмаса:

Что мне тоска о Булонском лесе?!

Что мне вздох от видов на море?!

Я вот

в „бюро похоронных процессий“

влюбился

в глазок 103 камеры.

Ськамоств ащихненди ингольцеть лаца единственной развлечениякс лядондсь баньясь. Тоса Володьясь сотцезень од кулятнень: кинь, ков йотафтозь, мзярда паньцазь каторжной отделениять эзда очередной партиять. Мекольденеть эса режимсь ульсь жестокай, вихца кошарезь стякшнемс камерав начальникть эвондаманц пингста, якамс церькаву, говендамс: аф кулхцондыхнень пикссезь. Самай обыкновеннай тевкс

лувондовсь максомс арестанти „пейланга“. Баньяса азонкшнезь: панихть церькаву касяк 200 ломаньцта. Строявихть сембе кандаласа: Морак! Морак „Отче наш!“ Надзирательхне якайхть ряттнень эга, ваныхть кургозт и сотыхть матьса:

— Морак, сволочь!

Политическаяйнхне ашесть йора гавендамс, но отказамс церькаву якамасть эзда аш кода.—Исповедьсь тяфтама молись шашты попты, тя вельхтысы сонь епитрахильса, и синь йотксост йотни тяфтама корхтама:

— Шкайти верондат?

— Аф.

— А святой духти?

— Аф.

— Местеме жа тон сать сей?

— Сянкса, што паньцамазь.

1909 кизоть пенцты, политическаяйнхнень администрациять мархта лама столкновенияда меле, режимсь Бутырский тюрмааса арась ламода сяда стакакс.

Московский охранкась Маяковскаяйнъ родителензон надзор максоманц колга приговорть пшкодеманц кирдесе и одукс шарфтсь мяль возрастонц лангс. Кода няеви, охранкань чиновникне подзревали кодама-бди фокус документнень эса, тяшкава Маяковскаяйнъ внешняй видоц противоречил метрикатненди. 1909 кизонь сентябрь 17-це шистонза охранкась „васьфтьф надобностть коряс“ кизефтсь Бутырский тюрмань начальникть, тиёмс медицинскаяй освидетельствования Маяковскаяинди, штоба „содамс сонь возрастонц“. Аф фкя запрос ульсь кучф тяфта жа Имеретинскаяй синодальной конторав, кона вастти шачсь Маяковский, и охранкась ульсь путф факт инголи, кона ашезь макссе тейнза кодамовок возможность оправдандамс беззакониять, аф пшкодемок судть приговоронц.

Приговорда меле полафтсь аньцек фкя—сяда тьождя ульсь получакшнемс васедемат Володять мархта. Сашендсть тядяц, сестранза, каннеть передачат—семботь, мезе келькс Володьясь; сатнеть тейнза заказс коря книгат. Васедематне ульсь нюрхкянят, аф 10 минутада ламос.

... Рисовандамс возможность ашель—ашкинъ; якамс альбом мархта аш ко-

за. Сянкса книгат мярьгондсть макс-семс. Тюрмать видеса ульсь библиотека, правда, ламоц книгатне ульсь „божественнайхть“, но нят уголовнайх-ненди; мекольдень кизотнень пингста кассь классиконь отделсь—русскяйх-нень и иностраннайхнень, ульсь нль-не новинкат—журналхт, альманахт. Тюрма-маса лувоманди правась рамсевсь политическяйнь эрь од поколениять стака жертванзон мархта. Эсь йоткова ульсь тиф правила: сембе книгатне, конат получафт воляста, молест тюремнай библиотекать пашкодеманцты.

Лувондсть тюрма-маса страсть мархта, пяк оцю мяльса. Максезь книгати сембе эсь пряснон. Кодама-кодама альма-

нах „Шиповник“ или сборник „Знание“, конань оцю мяльса учсесы соседоц, лувондовсь апак лотксек педа-пес фкя веста. Новинскяй ворягодемасть участницанзон эзда фкясь лятфнесы, кода воряго-тьфне лувондозь „Земля“ сборникть, конань эса печатлафоль Арцыбашевть повестец „Рабочий Шевырев“, кона повсь тейст июльть 1-це шидонза ингольня: сязезь книгать лама пялькс-ова—тяни сембе сяка аф ужяль!—юкс-тазь светть лангса сембонь; сембодонга пяк пельсть сянь эзда, што ворягодема инголе аф аделави книгать лувомац...

103 № камерать откидной моркшканц лангс эвондасть русскяй од поэттнень—Больмонтть, Белайть книгасна...

Вильям Шекспир

(Шачема шистонза сявомок 375 кизонь топодемати)

Шекспирть—английскяй гениальной драматургть и поэтть—лемоц колма сятта лама киза польвовандай мирса пяк оцю известностьса. Шекспирть творчествац, конань азозе Белинскяйсь „чародейнь оцязоркс“, тя пингс изумляет человечество сонь созданной образонзон глубинаснон и яркостьснон мархта, эряфть правдивайста няфтеманц, сценической искусствань мастерстванц мархта.

Минь пингоньконди пачкодсть, ашезь юмафта эсь свежестьснон, оржа шиснон и интересснон, шекспировскяй замечательной драматне: „Гамлет“, „Макбет“, „Король Лир“, „Отелло“, Ромео и Джульетта“, остроумияда и веселай рахамата пяхксе сонь комедиянза: „Виндзорские кумушки“, „Двенадцатая ночь“, „Много шума из ничего“, „Укрощение строптивой“ и лият.

Шекспир эрясь Англияса XVI векть омбоце пялестонза и XVII векть ушедомстонза (1564—1616 кк.). Ся ульсь Возрождениянь эпоха, конац полафтозе варварскяй средневековьять и ознаменовался Англияса вишке экономической подъемса, наукань, искусствань и литературань расцветса. Возрождениянь эпохат колга Энгельс сьормадсь: „Тя ульсь прогрессивнай пяк оцю переворот, конань пережил ся пингс человечество, эпоха, конанцты эрявсть титатт и конац шачфтсь титатт мыслянь, страстностень и характеронь вийс коря, многосторонностьс и ученостьс коря“.

Тя эпохань титаттнень эзда фкакс и ульсь Шекспир, конац эсь пьесанзон эса няфнесь мощнай духонь, пяк оцю волянь, вии страстень ломатть.

Великай драматургть эряфонц колга,

к сожалению, ванфтовсь кржа достоверной сведенияда. Содаф, што нинге одста Вильям Шекспир сувась лондонскяй театрань труппать составс и работась сонь эсонза аф аныцек кода актер, но и кода драматург.

Васенце пьесатнень эзда фкакс, конатнень сьормадозень Шекспир, ульсь историческяй хроникась „Генрих VI“, конац эстакиге завоевал публикать симпатиянзон.

Шекспирть талантоц яркайста ушедсь няевома. Эрь од произведениять мархта сембе сята пяк кассь сонь успехоц театраса.

Сембоц Шекспир сьормадсь 37 пьеса, кафта поэмат и лама стихотворения (сонетт). Сонь кемгафксува пьесанза ульсь издайнахть нинге поэтть эрямстонза. Шекспиронь сочинениянзон васенце собраниясна лиссь 1623 кизоня.

Пушкин, конац восхищался Шекспирти, сьормадсь, што Шекспирть созданной образонза—„живой существат, конат пяхксет лама страстьта, лама порокта; обстоятельствоватне вишконе-сазь зрительть инголе синь разнообразнай и многостороннай характерснон“.

И, видекс, шекспировскяй геройхне няфтьфт кода подлинна живой ломатть. Синь страдандайхть, кельгихть, кенярькшихть, ненавидят. Шекспирть произведениянзон эса идеянь и чувствань пяк оцю козяши. Зрительсь аф лафчепневи мяльса ваны сценада действиять молеманц мельге.

Шекспир—аф аныцек человеческяй ваймонь великай знаток, сон ломанть великай праванзон инкса страстной боец, общественной кяжть: предатель-

ствовать, алчность, своекорыстия, двоедушия—буржуазной стройной лама отвратительной порождениятнень изобличительна.

Научный социализмать основоположниконза—Маркс и Энгельс—пьяк ценили Шекспирть творчестванц. Маркс пьяк цебарьста содальхцень сонь произведениязон и эсь трудонзон эса сидеста пользовандакшнесь шекспировскяй обраснень и тексттнень мархта. „Шекспир,—сьормадсь Маркс,—пьяк цебарьста няфнесы ярмакнень сущностьснон“. Колма эсь кельгома поэтонзон—Эсхилть и Гететь мархта Маркс лувондозе Шекспирть. Энгельс сьормадсь, што аныцек „Виндзорскяй кумушкатнень“ фкя васенце актсост „сяда лама эряфта и движенияда, чем марнек немецкяй литератураса“.

Шекспирть творчествац пьяк народной. Сон прогрессивнай эсь идеянзон

коряс, сон шарьхкодеви и доступнай обществать сембе слойнзонды.

Минцонк СССР-са великай драматургть лемоц пользовандай всеобщай признанияса. Мекольдень кизотнень пингста Шекспиронь пьесанзонды тифтнесколько перевотт рузонь кяльс, конат подлинникти сяда маласот, чем сире перевоттне.

Шекспирть пьесанза неизменна сувафневихть Москунь, Ленинградонь и СССР-нь лия очень театратнень репертуарозост. Шекспирть пьесанза няфневихть и фабрично-заводской клупнень и колхознай театратнень сценасост. Самодеятельнай драмкружокне кой-коса варчсесазь эсь вийснон шекспировскяй „Гамлетть“ и сонь лия пьесанзон эса. Шекспирть ламоц пьесанза йотафтфт СССР-нь нароттнень кяльс и няфневихть братскяй республикань театратнень эса.

В. Николаев.

СЪОРМА СТАЛИНТИ

А. П. НАЗАРОВА

Эрзянь сказительница.

Вай, велесь, велесь,
Да эрзянь Найманць,
Вай, велесь, велесь,
Минь цебарь колхозь!
Ведец сонь шуди
Велеть алганза,
Вирец сонь касы
Велеть фталганза.
Варжат паксянзон—
Моряда келихть,
Касыхть съоронза—
Серида серихть.
Велеть фкя песа
Гайняй куд пичень,
Тоса кулевихть
Валсна шабаньконь.
Омбоце песа
Луга поляна,
Полянать лангса—
Минь колхозонь клубсь.
Колхозонь клубса
Кеняртф колхозникт.
Комсомолецне—
Цебарь од цьорат,
Книгат синь лувихть—
Моронят морайхть.
Конституциять
Тейнек синь лувсазь,
Сединьконь минь
Пяк синь кеняртфцазь.
Вай, колхозникне
Ашихть весялат,
Пеедихть кургсна—
Весяла шамат.
Пееди кургса,
Пяк оцю мяльса,
Конституциять
Сембе кулхцондыхть;
Сталин вожденьконь
Валонзон мяльс сяхихть,

Валонзон сясазь
И пря уйс путсазь.
Дайте кучтама
Сьорма Сталинти,
Валхнень пачфттяма
Кельгома вождти.
Тейнза азсайнек
Потма валоньконь,
Тейнза пачфцаськ
Оцю мяленьконь.
Сон миндейнек макссь
Инь пара закон,
Воля шинь прават
Тейнек сьормадсь сон!
Эрямась моли
Весяласта пяк.
Сталин вожденьке,
Эряк лама век.

Эрзянь кяльста йотафтозе Я. Пинясов.

Иофкс сянь колга, кода алясь топафтозе попть

Ив. Чумаков

Фкя оцю велеса, вирь песа пиле варашка кудняса эрясь-ащесь оцю аля—Алеш. Конашкава сон оцюволь, сяшкава жа сон и ашуволь. Мзярксть сон ашезь срхксе мумс цебарь эряф, мзярксть ашезь тушенда ся эряфть вешема—киц сонь пачфнезе сяка вастти, коста тусь. Станяк ашуста и эрясь ся Алежсь. Моданяц сон макссекшнезе сокамс штань коняти (тяфта мярьгольхть Алежень ваксса эряй козяти, конац изь мянне фкявок обедняи заутрене), съоронзон ускомс сявондсь алаша сонь кядьстонза, но сянкса ширесонза работась колма шитнень эзда кафта шит. Тяшкава мольсь Алежень мялец, штань коняць ширеса работамать эзда, нльня азомска аш кода. И кармась сон арьсема, кода мянемс штань коняць эзда. И ков сяда ламос арьсесь тянь колга, тов сяда пяк кемоста, бта пиксса, содонкшневьсь козяць тевонзонды.

— Мон старандан лисемс рдазь эзда,—арьсекшневьсь Алежсь,—но ков сяда старандан, тов пезондан сяда ичкизи.

Вов сась съоксесь ни, кармасть кельмома шитне, но Алежсь нинге ашезень адела тяляманзон, сяс мес сембе пингть работась козяць ширеса, а эсь тевнянза лядсть фталу. Да улель синь эздост лама, а то вдь афоцька копнаня розец, сяда йомла копнаня пинемоц и цютькяня эсь вазьденза оцю копнаня суроц. Токсна, конань лангса тяни тяляйхть пинем урьванц мархта, шрашка. Синь тяляйхть, а зьорнатнень пяледа ламосна лиихть козялять токонц лангс,—тяфтамка ни ашувонь токсь, сон лафчста кирдьсыне ашувонь съоротнень. Алежень и урьванц перьф панжавкс шашнихть идьсна: сембе кяпот,

понксфтопт, аньцек кемонь кизоса сембода оцю цьораснон пильгса калада понкскат, сон ваны брадонзон меле, штоба афольхть пов пулф эземс. Велеса Алежеряць колга рахсемгя корхнихть, што тейнза аф лувондовихть иденза, аннемс и щамс-карямс аш мезьса, а шачфни пцтай эхярь кафтасть.

Алеженди съоронц лангс надиямс аш месь: сон тялонь кучкать самска аф саты. Надияй Алежсь аньцек ружьянц лангс: кизонда ляци вирь яксярга или маци, тялонда нумол и кенярьфтьсыне шуроста топотькшни идензон и урьванц; а кда пови келась или вьргас—синь кедьснон мисыне и пандсы дацянц.

Оцю алясь велеса лувондовсь сембода цебарь охотникокс: содазень вирьста сембе кусткятнень, сембе эрхконятнень и коса кодама нармонь,—вирьсь тейнза ульсь омбоце куткс. Охотникть содазе попськя, конац сяшкава куялгась, што тейнза аф моли кодамовок пища. Попавасть пици лофца ям—попть мяльс аф туй, пици сиволь—лангозонзонга афоля варжаксты, пици алхт—трванзондынгия нльне аф токафтьсыне.

— Мялезе синь эздост мольсь,—ивади попсь мезе ули вийса, нльне вальмя клянцекне цингордыхть.—Тейнь пидек мезевок стама, штоба молель ярхцамс, штоба кельговоль!

Кувать думондасть попсь, поповасть и арьсезь, што попть мяльс туй вирь яксяргонь или мациень сивольсь. Но рамамс ярмаксна ужяльхтельхть. Сяс илядень пяли попсь пильгозонза шафтозень од кямонзон, щаце кувака платьянц и тусь Алежень шири, штоба сонь сявомс охотас и непременно ярх-

цамс тозк вирьса: кувать аф учсемс, а главнайсь—аф пандомс ярмакт.

Моли ульцява попсь—цють молеви, кода антф тува, пильгонза цють ась-колявихть.

Алежсь попть няезе ичкизде, но работанц ашезе кад, сон сяшкава вишкомсь работамста, нльне токсь нюрямкс нюрый тяпеценц ала.

Бачкась шаштсь малазост, мирттьурьват палазь сонь кяденц и кулхцондсть сонь эсонза местема сась. Мзярда бачкась азондозе, што мялец Алежень сявомс охотас, алясь эсь пачканза арьсесь:

— „Работалень ба да работалень. Шяйтаттне кандозь тя идолть, прась лангозон цяряхманкс“.

Но тиёмс аш мезе, Алежсь срхкась: зепозонза сявсь марож мархта кши суском, омбоцети путсь модамархть, копорезонза пондазе ружьянц. Сон моли инголе, а бачкась мзнай сонь мельганза.

— Эряскатт, бачка, — корхтай тейнза охотниксь, — а то шоподемс фкявок вирь яксярга аф мутама! — И кармасть молема сяда вишкста. Синь йотасть штань конячь тяляф капанзон вакска, конатнень песна ашезь няев. Яфодсь синь ширдест вармась, но Алежсь марясь ширдест аф коськя шужярень шине, а эсь ливсенц шиненц. А тоса сувасть вирть потмос. Эряскадомбачк тараттненди тапарявкшнесь попть кувача платьяц, и сонь боконза модать лангста лувсть аф фкя мокорь. Ичкизи марявсть алдоза лакшторды тараттне.

— Тон, бачка, саворня, а то лакштордомацень мархта эвфцайтть сембе вирь яксяркнень.

Алежсь арьсезе попть куватькас шаронфтомс и сявомс шири, коса аш яксяркт.

— Мон тонь анття, — арьсесь алясь, — кувать кармат лятфнемонза яксяргонь сивольть таньфонц.

Попсь ляксь кода пси пингста пинесь. Сон каятась ни, мес сась вири, но яксяргонь сивольсь сонь ускозе магнитокс.

— Ашетть сизе, бачка?

— Аш, — сьопозе эсь сизефшинц сон, сияк арьсесь: „Кда азомс видежень, сон лоткай тязк, и яксяргонь сивольсь мяни“.

— Эста мольхтяма сяда тов.

Молихть и молихть. Алеженди аш мезевок: сон тонадсь якамати-шыямати, да тевонь тиёмати, а вов бачкать пильгонза урнязь урнясть.

Эсь пеконц топафтоманц инкса Алежсь арьсесь ляцемс фкя эрьхконяста кафтошка яксярга, но коса лама яксяргта—синь аф эвфтемс и бачкать тоза аф сявомс.

Лоткась сон эрьхконячь ваксс, яцесь плманжа видева ведти и учи, а бачкать кадозе пяле вайгяльбешкас шири, штоба эсь лякоманц мархта афольхцень эвфте яксяркнень и штоба афольхце примета эрьхконячь. А илядсь тяшти — ков валдолъ, сетьмоль, ведть лангса ашель фкявок волнаня. И вдруг марясы: пильгонцэса котьфтезьня салаваня эрьхнихть волнатне, ся—берягонячь эса кафта яксяркне уендихть и вешендихть ярхцампяль. Бб-ах, — и яксяркне ведть лангс келептезь пацяснон.

Вдрук кажолгодсть тараттне, явожсть—эвондась охотниксь. А бачкась ащи пеке кедь лангса, сон стама жа сетьме, кода илядсь, сон аф тары, кода ляцьф яксяркне; мзярда охотниксь ваксозонза йордазень яксяркнень, сон арась озада и кармасть синь варчсемост. Сиземать эзда бачкать пекоц вачсь сяшкава, коданя изь ваченда вестевок: сон аноколь яксяркнень пядемс верокста.

Алежсь крвьастсь тол, васенда эждезень кельме ведть эзда кельмоф пильгонзон, тоса ватксесь модамархть, нефтезень яксяркнень, тума пряста сязсь цюгуншка церя, ароптозе потмонц и кармасть эсост яксяркнень пидема.

Лямсна лоторды, а толсь кштизь-кшти бта лотордомань мороть коряс.

Мзярс охотниксь пицесь яксяркнень эса, снярс бачкась арьсесь, кода вась-кафтомс сонь.

Яксяргонь лямсь попти марявсь стама танцтикс, кодама танцти аф эрси сонь фкявок ярхцампялец: тя сяс, мес ярхцай аф сонценнеда.

— Содасак мезе?—кизефтезе попсь охотникть.

— Мезе, бачка?

— Дай сивольть аф сивсаськ: можи ванды сяда лама яксярга аф ляцеви, вов и кондясти.

Алясь эстакигя шарьхкодезе, ков уски кувача пулось.

— Мезькда, — согласиндась сон.

— А сивольть сьвсы ся, кие няи цебярь он, — тага мярьгсь бачкась, сонць нарнезень усанзон, бта ярхцась аф лямда, а медьта, конац педендсь усанзонды.

Сяс мес алясь изь надия попть честнайшинц лангс, сон сивольть ашкодозе лопа потмос и куцьфтезе сери и вадяв поють пряс. „Тяза кептерь пексь аф куцеви, — арьсесь алясь, — хоть и кармай улема мялец саламс сивольть“.

Охотниксь алоост кочкась коське лопат. Кодак мадсть, Алежсь остакигя матодовсь, сяс мес сонь матразе сизефшись.

А попсь кувать арьсесь и думандась цебярь он, сяс матодовсь мянь валдомома лангс. Ся пингста алясь удось мезеньгя аф марязь. Попсь эсь кувака пула платьянц путозе прялонза, а лангозонза ускозе Алежень суманенц, а сончень кадозе апак вельхтяк. Сон матодовсь и удось кулокс. А алять сргозьфтезе шовдавань кельме росась. Сон стясь и пяк кяжиясь бачкать лангс, да и пекоцка вачсь. Штоба пандомс кяженц, сон валхтозе яксяргонь сивольть и сивозе. Крвьвастсь тол и эжендсь. Комотсь попсь и кизефнесы:

— Кодама он няеть, аля?

— Аньцек ушедонь ононь няема, бачка, и вдруг марянь кельме — кельмось панезе онозеньгя. Стянь и няине: суманнязень ускить тон.

— А монь ули аф цебярь промозозе: онцтон тиендян, кода шистон, вов, улема, и суманьценьгя ускине онцтон.

— А тон цебярь он няеть лямбонянь эса?

— Цебярь, кулхцонтт азондса:

Бта якатама мархтот паксява и сатомя куцема, сонь серец масторть эзда мянь шкабавазти. Молемя ся куцемать ваксс, варжакстомя вяри: сонь прясонза ащи сонць шкабавазсь, инголенза шра. Ся шрать лангоц пяшксе всякай симомада-ярхцамада. Тейнь сон яфозе кяденц и тердемась ваксозонза.

— Сак, руз, теэзон.

Мон куцень тоза и шкайсь кармась монь каванямон. Тон ванат лангозон и сельме каят. Ваноть-ваноть и кармать куцема, пачкодеть ветеце шятяманянь лангс ни. Шкайсь кодак топадезе пильгонц и ивадсь атамкс ащи вию вайгяльса:

— Тон местема, мокша, куцят! Тон тейнь аф эряват, тейнь эряви аньцек рузсь.

Шкабавазть ня валонзон эзда тон прать куцемать лангста, таргавоть ватракшекс. А мон ярхцань топодемс сяшкава, што неделяшка аф вачи пекозе. Тяда меле валгонь и сргозень. Коданя, мокша, цебярь онць?

— Васькафнят, бачка!

— Аф васькафнян, тязк тузан, сельмоне лисест! Значит, яксяркне тейнь сьвомат?

— Да тейть мезенди сьвомс: тонь шкайсь топафтоньзе. Мьяляфтсак, мзярда шкайсь топадезе лангозон пильгонц и прань, мон вихца — вийса стянь и яксяркнень сьвине.

Шадозь кармась шадома кяжсь попть сельмонзон эзда, куя телац нльне кармась тарома, кода тярнай вастсь.

Синь явсть: алясь повфтазе копорезонза ружьянц, кадозе попть и тусь тоза, коса лама яксяркта, а попсь исяконь пильге киснон эзга тусь куду.

ПОСТСА

Я. Пинясов

Весь ульсь тялонь
И ков валда.
Вяре тяштень пиндолф,
Мезе бди сопкать
Фталда,
Няевсь кальнять вельф.
Вов сон шашты,
Стяй и комай,
Комай танга стяй.
— Тя улема аф цебярь
Ломань—
Сай видеста сей.

Сонь одежац ловонь
Цветса.
Кулхдонды шакалкс.
Мезе бди види
Кядьса
Кандсь и следонц валсь.
«Эх, и цебярь мон
Мунь васта
Йотамс хоть и ков,
Кивок аф мусамань
Тяста,
Аньцек шорьси ковсь.

Вов советскяй ни
Границась,
Тяни тевсь тусь
Лад.
Повфтан якстере петлицат,
Зепти кяшф гранатсь».
Аськоляй сон сяда
Вишкста.
Сяда малав сай.
Часовойти кальнять
Эшкста
Няевсь самурайсь.
«Тюремс можна
Тя вастть инкса»,—
Шпионць думондась.
Пограничниксь сонь
Ся пингста
Сивода кундась...

.

Пограничник!
Честь и слава.
Ванат мастор крайть.
Лама вятеть, тон
Заставав
Стама самурайхть.

1937 к.

Синь шачфтозень бурясь

Н. ОСТРОВСКИЙ.

Колмоце главась,

Ушетксоц 1—2 № № эса

Парктъ огромнай чугунай ортанза ашестъ съолгондов—эзост фкя фкянь мельгя сувсестъ экипашне. Могельницкяйхненъ яркайста валдоптф палацснон подъездснон тейса апак лотксек движения—сашендсть тертьфне. Вестибюльса лакейхне каяфнезь синь верхняй платьяснон.

Гостинаи сувамать инголе инжихненъ васьфнезь Стефаниясь и Владиславсь. Бальной равжа платьясъ фатнезе Стефаниять полнай пондонц, кадондозень штада аньцек лафтунзон и кядензон. Сонь шамац ульсь кеняртъф. Инжихненъ сон васьфнезень стама ласковой пеедемаса, стама любезность мархта, што мелкай шляхтичне, конат васень минутатненъ эвотъкшнестъ графскяй кудть пяк цебярьшинц и блестящай обшествовать инголе, арсестъ сяда смелайкс и увереннайкс.

Волнениять и настоящей аристократокс прянь няфтемать инкса желаниять эзда Владиславсь ульсь якстерь, штоба нят мелкай ломаттне, конат нолдафт сей политическяй соображениятненъ коряс, сразу няелезь эздонза Могельницкяй графть. Мелкопоместнай дворяттненди сон небрежна венепнезень кафта суронзон, крупнай помещикненди азонкшнесь несколько приветственной валхт. И мянь мзярда эсь семьянц мархта эвондась Замойскяй князь, сон ласьксъ каршезост.

Оцю залста марявсть латцеви инструменттненъ звуксна.

— А вов и пан Баранкевичсь урванц мархта!—тошказевсь Владиславсь Стефанияти.

Тейзост малаткшнесь огромнай серь-

са ломань, конац сяшкава жа эчке, конашкава осалняль сонь урвац, конань сон вьтезе кядьта. Теснай крахмальной воротникть алда лисезь лисендсь куя сядлазоц. Сонь раканнекс ащи, воронь жилканя мархта тетъкф сельмонза лоткасть Стефаниять лангс.

— О-о-о! Вельможной панись тачи ослепительнай! Кда улелень кемоньшка кизода од...гэ... умм... да!..—рахазевсь сон ирецтонь эчке вайгяльса.

Сонь урвац, Анеля панись пестакстсь нярень пувордазь. Владиславонди няевсь, што сахарозаводчикть жилетонц пуянза аф кирдъсазь огромнай пеконц и сязевихть тяникигя.

Баранкевичне йотастъ гостинаи. Лакейсь азозе Стефанияти, што сась автомобиль господатненъ немецкяй офицерхненъ мархта. Владиславсь многозначительнайста варжакстсь Стефаниять лангс.

— Тон ашить юкста, Стефа, што тейть мярьгсь Эдвардсь аф нолямс немецненъ сельмингольдет? Синь эрявихть пуроптомс йомла гостинайти. Кочкамс тоза поненокненъ, конат маштыхть немецокс корхтама, а главнайсь—аф ужяльдемс винать,—вишкста корхтазевсь сон.

— Содаса... Вагот и синья. Мон синь васьфтсайне, а тон архт вяри и астлатта Эдвардонди синь самаснон колга... И катк Людвигаськя сай тейнь лездома. Сембе кизефнихть ни сонь колганза...

Владиславсь тусь. Немецненъ Стефаниясь васьфтезень очаровательнай пеедемаса. Зонненбургть ваксса мольсь нинге аф сире полковник, очень гарнизонтъ начальникоц. Синь мельгаст колма офицерхт, синь йотксост—Шмультке;

Зонненбургсь содафтозень синь Стефаниять мархта.

Полковниксь холенай усанзон токафтозень сонь кяденцты.

— Пяк признательнаян, графиня, любезнай приглашениянка и пяк радавасьфтемс тонь, немецкый армиять офицеронзон эзда фкяць урванц,—мярьгсь сон.

— Надиян, ваше превосходительство, тейнтъ ули аф скучна минь йотксонк.

— О, мечь тон, мечь тон!—корхтась каршезонза полковниксь.

Стефаниясь, конанц перьф пуромсть офицерхне, тусь залу.

Зонненбургсь лоткафтозе Шмульткетъ.

— Господин лейтенант, тон усадьбать перьф путоть караул?

— Так точно, господин майор!

Эдвардонь кабинетса озадолхть несколько ломатть. Тяса ульсть: Эдвардсь, конац тяда инголе сась Варшаваста, Иероним отець, Замойскый князь, Баранкевичсь, викарнай епископсь, Бенедиктсь и штатскыйса нингя колма од ломатть.

Людвигань апартаментонзонды сувамать каршеса ащесь озада Юзефсь. Мзярда эвондась сире князь Могельницкыйсь, конань вьезде лакейсь, Юзефсь почтильнайста панжезе инголенза кенкштъ и эстакигя сьолгозе сонь мянь лакейтъ шалхконц инголе.

— Можешь тумс. Мон тердьтя, мзярда эрявкстат.

Цьорац аф шарьхкодезь кеподезень лафтувонзон и кармась валгома куцемава.

— А коса тона бродягась, Мечиславсь? Тон ванонтт мельганза, Адам. Вов нингя шкабавазонь наказаниясь!..

Адамсь лоткась и аф всяласта варжакстсь алянц лангс.

— Исяконь илядыта меле, сяда меле, мзярда никсозе Францискать, мон ашине ний сонь. Корхтайхть, што тусь фольварку солдаттненди.

Алянц сувамста Эдвардсь стясь.

— Ну, тyani, тейнь арам, сембе пуромсть. Мзярс тоса, алува, всялгаткшихть, минь кой-мезень колга кенерьхтяма корхтамс. Знакомондак, аляй,—азозе Эдвардсь, мзярда Казимир Могельницкый лоткась аф знакомай од ломаттненъ инголи, конат стясь сонь васьфтемонза.

— Врона капитанць,—азозе фкясь синь эздост, бледнайсь, восполенай сельмось.

— Варнери лейтенантсь,—азозе омбоцесь, стройнайсь, сенем сельмось.

— Заремба поручиксь,—аф мяль вельде азозе колмоцесь, коренастайсь, нюрхкянйста нараф усась.

Комнатав эряскадозь сувась Владиславсь.

— Эдвард, ардсть немецне—полковниксь, несколько офицерхт... Людвигась валгсь алу. Марясак, морасазь туштъ? Сембе тонь мярьгоматне тифт. Тон мярьгат тейнь лядомс сей?

— Аф. Архт алу инжихненъ мархта корхнема. Саят пяле частта меле,—коськста отвечась Эдвардсь.

Владиславсь аф довольнайста пувордазе кургонц, но шарсь военнайкс и лиссь. Тячи шобдава сонь „йотафтозь“ подпоручикокс и путозь взводонь командиркс польскый легиону, конань формировандасы Эдвардсь.

— Тяфтания, кда панствась мярьги, мон ушедан,—мярьгсь Эдвардсь, мзярда сембе озсесь.

Алуда марявсть мазуркать звуконза.

— Минь путоськ тиёмс выступления вандыда меле. Сяда ламос учсемс нельзя. Австриецне кадонцазь семботь и тушендыхть эсь родиназост. Тячи минь маряськ кулять Германияса революциять колга. Минь положенияньке пяк стака. Тушенды немецненъ мельгя панихть партизанскый отряттне. Синь курок сайхть сей. Зайончковский помещиксь корхтай, што синь велеваст ни ушеткшни... Кода содасастъ тинь, ноябрьть сисемце шистонза Люблинаса организовандаф польскый правительства, прякс путф пепеэсовец Дашинскыйсь...

Баранкевичсь вишкста яфодезе кяденц.

— Тя аф пяк пелькс,—озафтозе сиденц Эдвардсь.—Виде, Дашинскыйсь эсь декларациянзон эса азондсь всеобщай, прямой, тайнай избирательнай права, кафкса частонь кувалмоса рабочай ши и нльня крестьяттненди модатненъ максомасон,—рахсезь корхтась Эдвардсь,—но сембе тя эрявикс декорацият тячienenъ шити. Синь тьождыста можнат яфодемс, мзярда кармай улема минь виеньке. Мзярс, Дашинскыйнь декларациянзон коряс, мужикне синць ванондсазь именият-

нень: кода жа, народнай достояния! Важнай фкясь: штоба минь кядьсонк улель вооруженнай вийсь. Мзярс минь улихть сядошка ломаненьке. Нят сатыхть, штоба занямс ошть. Ошть австрийскяй гарнизоноц срадсь. Единственнай вийсь—немецкяй драгуттнень эскадронца. Но немецнень мархта минь корхтатама. Сяда пяк сяс, што синь синценъ курок аф ляды фкявок солдатсна.

— Коста тон сявить сят сяда ломаттнень?—тянь шири мяленц шарфтозе епископсь, коське, кода мощатне, атянясь, конац сурсонза машинальна кочксезень четкатнень.

Тнярс сон кирдсь немецкяй ориентацияти и тyani йорась куляксамс, конашкава реальной сембе тя затеясь, конанцты сонь сяшкава виюста ускозе Иероним отець.

— Вов коста—часть солдатт австрийскяй армиять польскяй расформированнай легиононц эзда и местнай польскяй военной организациять членонза. Ну, тага—од ломаттне цебарь семьятнень эзда... Омбоце шиня ошть занямда меле минь вийдонок ули колмоксть сяда лама... Дашинскяй панць максси обещания кучемс, кда эрявксты, отряд сонь мархтонза организовандаф народнай милициять эзда.

— Ге... умм... да!—эвфтезь козкстась Баранкевичсь.—Афолине няй сембе ня социалисттнень и прочай мазурикнень!.. „Народнай милиция!“ Азость пожалуйста! Кда сявомс монь, то тейнь сяда приятнай „жандарма“ валсь.

— Спасиба комплиментонкса! — пшкядсь эсь уженц эзда Врона капитанць, колазе шаманц нярень пувордамась, конац полафнезе сонь пеедеманц.

Мзярда пеедсь Врона, няевсь, бта ловажась кальхции пейнзон—сяшкава шуфтомфтольхть сонь шамац и мутнай сельмонза. Переворотта меле Врона должналь арамс жандармань шефокс.

— Кие жа кармай улема городской головакс?—кизефтезе епископсь.

Эдвардсь снисходительна пеедзевсь.

— Власть ули минь кядьсонк, округонь штабть кядьса. А магистратса кармайхть ащема Сладкевич адвокатть лаца марионеткатне... Колмошка недяляда меле минь кочкатама фкя пале—кафта тьожятть солдат. Тя кармай улеме ни аф оцю армия...

Епископсь ляпоняста пшкядсь теенза: — Тон арьсят, што тя саты?

Врона капитанць саворня тошказевсь Варнерити.

— Тя коське сюзьялсь аф сяшкава ни глупай...

Зайончковскяй атясь резкайста стясь стульть лангста.

— Тейнь арам, его преосвященствась аф шарьхкодсьсы моментть сембе серьезнайшинц. Кда тинь, ошса эряйхне, коса фалу ащи кодама - кодама гарнизон, эсь прятень марясасть сравнительнай безопасността, то тейнек минь имениняньконь эса буквальна аф сави утцемс вень вень! Ведь перьфпяле мужикт. Кемонь украинецнени—фкя поляк... Сят хлопецне удыхть и няйсазь, кода ба тейст шоворемс партизаттнень мархта...

— Сяда видеста, нельгомс минь моданьконь,—поладозе Замойскяйсь,—национальной кизефкссь тьяса ащи аныцек придачакс.

— Модать—крестьяттнени, завоттнень—рабочайхнени, помещикнень—стенати, а ксендснень—пондамс... Тейнь арам, тяфта синь ширесост?—озадонь седихть азозе Вронась.

— Аф карматама шири тушендома, пановьят!—лоткафтозе сонь Эдвардсь.—Вов тяфта, вандыда меле минь занясаськ ошень комендатурать, управать и вокзалть. Астама военной положения и доброволецонь набор. А тоса ванцаськ, кода шарыхть тефне.

Епископсь ядовитайста пеедзевсь.

— Катк пан графсь монь извинит, што мон перебиваю сонь! Но мон йоран кой-мезе уточнить,—саворня азозе сон, кадозень четкатнень покойс и эсь крысань сельмонзон мархта ванць Эдвардонь лангс.

— Аныцек што пан Зайнчковскяйсь азозе, што мон аф лувондса положениять сембе серьезнайшинц...—Салавань тонца, кодамса азфтольхть ня валхне, ульсь аф кржа ятта.—Но мон арьсян, што тянь мархта грешиндан аф мон. Мон колмоньгемонь вете кизот служаншкайти тя крайса, и тейнь пинге ни содамс тевть истиннай положениянц. Мон аф воинан, а аныцек шкаенъ валть смиренной проповедникоцан. И Иероним отецть мархта тейнь нльня аш васта тя совещанияса. Но церькавонь служительх

не кой-коста сашендсть военной совет-тненди, штоба пси воеводатненди азомс опасностть колга, конац синь инголест арай синь походснон эса... Сембе тинь ревностнай католиктада. Мон, кода тинь пастыrente, обязанан азомс, мезе думандан сембонь тянь колга.—Епископсь тись многозначительнай пауза.—Тясть юксне, пановьят, што минь эрятама мянь русско-австрийскяй границать лангса. Тяни тя границась нардаф. Сят украинецне, конат эрясть Россияса, содасазь ни, мезе ся стамсь революциясь. Тинь, надиян, ашесть юкста, кода синь плхнезь эсь помещикснон? Немецкяй оккупациясь мзярс синь люпштазень. Лия украинецне, конат эряхть тязк жа минь вакссонк, Галицияса, тянь ашезь тий сяс, мес шкайнь милостть коряс властвондась австрийскяй императорсь и сонь ульсь армияц, кона ванфтозе порядокть... Тяни жа аш аф император, аф армия. Тинь срхксетяда сявомс эсь кядезонт власть крайса, коса населениять кемонь пяльксонзон эзда вехксотне—украинецт. Эдвард панць морафтозень тейнь Потоцкяй графть и Радзивилла князьть сьормаснон. Синь поместьясна и заводсна ашихть сембе Волянть и Подолиять келес. Синь тоже кочксихть эстейст отрятт и срхксихть фатямс власть. Синь учсесазь тинь лезксонтень... А мезень колга корхтай тя? Тя корхтай сянь колга, што польскяй государствась, конац нингя изь шач, думандай ни Украинать и Белоруссиять каршес войнать колга. Вдь тейнтъ тоса сави воявамс сембе населениять каршес, конац кармай тюрема тинь каршезонт, кода иноземнай оккупантонь и кода помещиколь каршес... Тяни арьсесть, может ли од государствась ушедомс, простиндамасть резкай валонкса, тя авантюрать, юамать эзда апак пельхть? Кда сонцень Польшать эса минь ули национальной большинстваньке, конанц можна кеподемс москальхнень и хлопнень эзда эсь отчизнаньконь ареляма, то кода тинь кеподьсасть украинецнень и белорусснень украинецнень и белорусснень каршес польскяй помещикнень инкса? Шкайсь няйсы, монь мечтазе—католическяй церькуть победац сембе мирса! Но, пановьят, минь аф идьнятама. И тейнек эряви содамс, што Украинать оккупациянц инкса немецненди эрявсть

колма сятт комсь тьожянь солдатт! А тинь аньцек фкя ковда меле йоратада кочкамс кафта тьожятть... Мон арьсян, пановьят, што тейнек аф эрявихть ужяльдемс Потоцкяйхнень, Радзивиллатнень, Сангушкотнень и лия вете-кота магнаттнень интересснон и кемокснемс Польскяй королевствать тоса, коса минь ули опораньке...

Замойскяй князь, конанц лемонц епископсь дипломатична ашезе аз магнаттнень йоткс, кяжиясь, сускозе трванц.

— Гэ... ум... да...—кашкозевсь Баранкевичть вайгялец, клокса вачкодезе эсь плманжанц (сонь цють-цють кирневсь кяжец). Баранкевичсь обычна собеседникнень эвфнезень эсь кайги козкстаманц мархта, конанц сон фалу апак полафнек аделсезе „ла“ восклицанияса.—Анан прощения, ваше преосвященство! Значит, тон тейнь мярьгондят кадомс эсь заводозень и воргодемс Варшавав? И сянь жа ти емс тейнек сембонди, тьса ашихненди? Кадомс минь именианьконь, сембе имушествовать, модемс нищайкс Варшавав и тоса „кемокснемс“ Польскяй королевствать? Спасибо! Но минь арьсетяма лиякс! Минь карматама тюрема ваймоньконь лисемс... Но штоба минь добровольна максолеськ сембе эсь состоянианьконь пеляскатф серай скотинати! Мезькс жа эста тон лувсамасть минь?

Епископсь презрительна люпштазень губанзон.

— Баранкевич панць происходящайть лангс ваны эсь заводской трубанц сереста, конанц эзда перьфпяли няеви аньцек вете вайгяльбес, и Польшать, кода нациянь, интересонза тейнза аф эрявихть.

— Но моряста моряс великай Польшась—дряй аф идеалоц эрь шляхтичть?—пильгонзон лангс стямста ивадьсь Зарембась.

Епископсь сонь ширезонза нльня ашезь шарфта.

— Кальдяв кепотькс, господин поручик! Тьожянь сисем сятт сизьгемонь омбоце кизонь великай Польшась, мзярда сонь кядьсонзоль Украинать пяльксоц, Литвась и Белоруссиясь (кстати Польшать границанза нльня эста ичкизетольхть Чернай морять эзда), а юмась сяс, што эрь уездась арьсесь аньцек эсь колганза, эрь воеводась кода можна сяда ламоня эстейнза фатнесь мо-

дада, штоба прибавамс синь эсь владе-
ниянзонды, сяс мес фкявок магнатсь
ашезь арьсе государствать колга, ко-
да тяфтамонь колга, а аныцек эсь инте-
реснон колга... Мезе бди тянь лаца йора-
тада тиёмс тинь,—Зарембанди кельмоста
отвечась епископсь.

— Странна, но его преосвященствась
ашезь аще сян каршес, мзярда немец-
не занязь Украинать,—кяжиста азозе
Замойскяй князьсь.

— Тя ульсь реальной вий... Тяни
сраткшнихть империятне, прашен-
дыхть коронатне... Россиясь тол пот-
моса. И тейнек, кда аф йоратама
юмафтомс-арафтомс эсь пряньконь, эря-
ви улемс осторожнайкс. Мон сянкса,
штоба кемокстакшневомс тоса, коса ули
опора! Мон—осторожностенкса! Няйсы
шкайсь, што кда ба тинь улель виенте,
то мон ба бславаледязь тинь проклятай
большевикнень машфнемоц аф аныцек
Польшаса... Мон туян, но панствась
катк мяляфнесы, што эсь ширесонк
тяса, эсь кудсонк, улихть аф кржа
ломаньда, конат шувихть ни тейнек
калма. Маляфтоц, што нльня Польша,
Дашинскяень правительствада
башка, кой-коса улихть советт!

Епископсь стясь, суюконясь сембонди
и лиссь. Иероним отець, конац сембе
пингть ашезь аз фкявок валня, станя
жа стясь и лиссь епископть мельгя.
Синь валгсть чернай куцемать эзга,
старандасть аф няфтемс пря. Апак
корхтак тусть парку, коса ащесь епис-
копть закрытай коляскац, и апак корх-
так озасть экипажти. Мянть мзярда ни
синь малаткшнесть ошти, епископсь
шарсь Иероним отецть шири и салава-
ня азозе:

— Тон, конешна, меки молят тоза,
отец Иероним? Ну, так тон ванды суват
монь ширезон и азондсак тейнь сембонь
колга. Старандак действондамс графть
лангс, штоба сон афоль арсе Замойс-
кяень и Потоцкяень предложенияснон
инкса. Отряттне, конатнень пуроптсазь
синь, должны улемс тязк, а аф модемс
Украинать потмос. Сяда башка, мон ку-
лине, што исяк тонь ширесот ульсь
местнай ксендсне... Мон арьсян, што ом-
боцеда пуроптада монь пингстон. Ошса
мон карман улеме кемоньшка ши. Тон,
конешна, содасак, што мон йотнян
краковскяй епископствав? Но мзярс

мон тязкан, эняльдян моньфтемон ме-
зевок аф тиендемс... Мяляфтка, отец
Иероним, кда сембе тя тевсь аф лиси,
то тейть аф улемс викарнай епископкс.
Сяс аф эряви атказакшнемс монь лезк-
созень и советозень эзда... Тяк юксне,
што осторожностсь—мудростть сестрац.

Иероним отець сускондозень трван-
зон. Сон марязе эсь прянц школьни-
конь положенияса, конанц кундазь пре-
ступлениянь вастста и нефтсазь пиле-
да.—„Коста семботь содасы тя сире ке-
лазьсь? Да, сутанца тя дьяволть мархта
эряви улемс осторожнайкс!“

Экипажсь лоткась местнай ксендзть
кудонц каршес. Иероним отець пан-
жезе кенкшкяць, лездсь лисемс епис-
копти.

— Бславатанза тонь шкайсь!—про-
щандамста мярьгсь епископсь.—Кучерсь
усктанза тонь меки.

А столовайса шудесь винась, цин-
гордсть бакалхне.

Тяса лама симсть и ярхцасть. Корх-
тасть сембе сразу, фкя-фкянь аф кулх-
цондозь. Иватькшнесть, спорясть, каж-
найсь корхтась эсь видешинц колга.

Лакейхне прашендсть пильге лангста.
Юзефсь вихца седиень кемокснезь
ванць, кода сивондевихть кеветие тьо-
жятть маркатне, конатнень максозень
Эдвард графсь.

Пожилой даматне гостинайгя озсесть
диваттнень лангс и аф лотксезь корх-
тафтозь эсь малань ломаньцнон.

Спортивной комнатаса Владиславонь
перьф кочкавсть цьоратне. Патриоти-
ческяй призывда пяхксе эсь корхтам-
донза меле Заремба поручиксь ушедсь
доброволецонь съорматкшнема. Сембе
кандидаттне инголькигя ульсь арьсефт.
Вербованнайхнень эзда кажнайсь по-
лучакшнесть инструкция и назначения.

Оружия мархта ящикне ульсь
ни ускфт, и ванды илять сембе ору-
жиясь ули явф. Кой-кит пельсть, но
пря ашесть няфне. Владиславсь фален-
дакшнезе шкафста таргаф офицерскяй
нашивка мархта мундиронц, конанц
тейнза тиезь брадонц мундирста. Съор-
маткшнема меле духть кеподеманц
инкса моразь „Еще Польша не сгине-
ла“ мороть и марса сувасть залу.

Немецне налхксть картаса сире графть
кабинетса. Синь седи вакса угостин-
дакшнезь винаса. Сидеста тоза эвонда

кшнесь Стефаниясь, штоба ваномс, сатомшка ли винада шра лангса и ингольцекс ли офицерхне увлеченнайхть налхкомаса. Мзярда нязе, што винада лядсь кржа, сон мярьгсь Владиславати:

— Мярьк кандомс кабинету бургундскяй

Владиславсь лама ни симсь и ульсь кемоста возбужденнай. Васенце служанкась, конац повсь сонь сельминголенза, ульсь Хелясь.

— Куроконя ласьк бохаряму и кандт корзина бургундскяй! Куроконя!

— Мон винаса аф шарьхкодян, ясно-вельможнай пани. Мон тердьса алязень сон канды.

Афлама секунтт Владиславсь ванондозе стирнять пондонц.

— Эряви тяникигя! Адя, мон монць кочкан.

Бохаряму сувамда меле Владиславсь саворня сьолгозе бохарям кенкшкять. Свеця мархта малав моли Хелясь мезевок изь примета.

Хелясь корзинать пяшкодезе бутылкада и комась, штоба кеподемс сонь. Но Владиславсь резкай толчекса ряфцодозе стирнять кияксу.

Вяре мольсь празновамась...

Владексь салаваня панжезе похарям кенкшть—кивок аш. Бутылка мархта корзинать сон таргазе куцемать лангс, хлопадезе кенкшть и, пелезь перьф пяли ванондозь, кармась сонь панжемаса пякстамонза. Тейнза вяре марявсть кинь бди аськоляманза. Сон панжемать кадозе замокти и боковой кенкшть эзгалиссь пирьфи. Кода колай пине, сон мольсь буфетнай и залпом симсь стакан портвейн.

Буфетнайть ужеса озада ащесть кафта инжихть, конат тя вечерса эсь пряснон марязь аф прокс эсь тарелкасост. Нятульсть: швейнай мастерскойхнень владецсна Шпильман, йомла вертлявай ломаньясь и коммерческяй банкать директороц Абрамахерсь, солидной лысина мархта флегматичнай эчке ломанць. Синь ашезь няй Владиславонь и вятезь эсь корхтамаснон:

— Тон содасак, господин Абрамахер, конашкава тя сембе токесы монь седиезень? Мзярда монь Исаакозе йорась сьорматфтомс, тейнза азозь, што „житт“

аф примсихть! Тя, няйсак ли, польскяй армия!

— Ну и мезе мле?

— Исааксь кяжиясь. Мон кундаине Баранкевичень и корхтан тейнза: кулхцонтт, мон тя тевти максонь кемонь тьожятть маркат, мон нингя максан колма сятт комплект военной обмундирования! Но Исааконь дряй нельзя путомс каптенармусокс или кодамовок лия офицерскяй должностьс хозяйственной тевонь колга? Сон, слава богу, аделась коммерческяй училища и аф сяда глупай нят паннятнень коряс, конатнень трьошникс-сновок аш карманцост! Корхтан, дряй прилична тяфта ваномс союзникненди аньцек сянкса, што синь еврейхть?

— Ну мезе мле?

— Ну, Баранкевичсь семботь тиезе. Исааконь сьормадозь хозяйственной тевонь колга. Аньцек офицеркс сонь сембе сяка синь ашезь пута. Сон мзярс—сержант. Но тя пара! Исааксь—цьораньясь йоню, и кда сембось кармай молема цебарьста, то сон ни офицеркс кармай улема! Катк тянкса мон нингя пандан кемонь тьожятть!

Абрамахерсь нязе Владиславонь и Шпильманонь тостядезе бокс. Синь кармасть корхтама салаваня.

— Так тон думандат, господин Шпильман, што синь власть фатясазь?

— А кода тон думандат, мезенди сембе тя тиендеви?

— Ну, а кода тон тянь лангс ванат?

— А кода теень ваномс, господин Абрамахер? Мон думандан, тонга согласиндат, што лучше польскяй помещикне, чем советскяй властьсь? Вдь кда голытьбась шавсыне помещикнень, то аф тейть, аф тейнь сон мезевок аф кады. И, кие содасы, может быть и пряньконьгя... Мон куляксайне, што монь рабочайнень йоткса тяфтама корхнемат ульсть: катк аньцек сай советскяй властьсь, минь тя веронь потяй Шпильманти сембонь ляфтасаськ... Тьфу; паскудства! Мон нят нищайхнень анцайне и благодарностенди—„веронь потяй? Азк тейнь, ули ли справедливость светть лангса?!

— Тон содасак, тя кие корхтась?—кизефтезе Абрамахерсь.

— Ну, кода ина! Монь улихть эсь ломанне. Корхтась Саркась, Михельсон сапожникть стирняц. Сон, тейнь арам, эряй тонь кудсот? Мон, конешна, тя

дрянтъ вандыкигя паньца! Но дряй аньцек сой съкамонза? И мес пяк эрявсь австриецненди ти емс тя тевсь! Тейнь арам, народсь порядочнай, и на вов тейть—революция!

Абрамахерсь нетерпеливайста лоткафтозе сонь:

— Так ванды тон эсь счетстот сявсак монь кядьстон иностраннай валютать? Мон арьсян, сембонь тянь эряви сяда ичкизиня прдамс. Мзярс, к сожалению, сонь аш кода аф лия вастс йотафтомс, аф ускомс... Так тон эряскатт, а то, кие содасы мезе тяста может лисемс! Киртък мяльсот сянгя, што тя Могельницкяйсь может путомс мадянц и минь банканьконьгя лангс. А мес ба и аф путомс?

— Тон—золотой ломанят, господин Абрамахер! Тон модать пачк няят ниле аршинц. Верондамак монь, што кда ба муволь стама идиот, што рамальхцень монь мастерскойнень и куднень, то мон ба, сельмонь апак чипордак, милине ба тьячкигя! И пьлес питнеда, ей-богу! Сяшкава кальдяв положеннясь!..

* * *

Сяка жа чернай ходга палацу меки самста, Иероним отець бохарямть кенкшенц фталда кульсь заглушенной вайгяльхть. Сон лоткась.

— Панжесть! Ради бога! Мон пелян!

Тя ивадсь ава. Панжемась нюрьгсь замокса. Иероним отець сонь шарфтозе. Эвотьф Хеляти шовдаса няевсь, бта сонь инголенза дьяволсь.

— Езус Христус! Свента Мария! Ужяльдемак!—истерически иватькстсь сон.

— Мезе лиссь тонь мархтот, идьняй? Тят пель! Дряй тон аф содасак Иероним отець?

Хелять тапаряф валонза тейнза азондозь сембонь. Стирьнять сон сявозе кядьта.

— Адя монь мархтон...

Сонь калтадеманцты вярденъ этажть кенкшенц панжезе Стефаниясь, конац ся пингоня ульсь тяса.

— Мезе тяфта, отец Иероним?—эвотьфста кизефтезе сон, мзярда няезе Хелять эвотьф и лофташкатф шаманц.

— Простиндамак, графиня, тя идть

мархта тейнь эряви корхтамс башка. Мяргат модемс тонь будуарозт?

— Пожалуйста, но мезе лиссь?

Иероним отець тейнза кядьсонза тись предостерегающей жест, Хелять сувафтозе комнатав, озафтозе диванть лангс, сьолгозе кенкшть и мрдась Стефанияти.

— Лиссь пяк сквернай история. Эряви ти емс станя, штоба сонь афолезь сода сембе. Йотак эсь спальнязт и кулхцонтт. Тон тейнь нинге эрявкстат,—эрязста тошкась Иероним отець.

— Да, идняй, ся, конань азондыть тон, ужаснай, кда тон азондсак видеть. Тяни кулхцондомак монь, стирняй. Тон вешат азондомда тянь колга родительхненди. Тянь ти емс аф эряви! Тон тонць юмафтсак эсь пряцень. Господатне тонь родительхнень паньцазь йофси, а тонь васьяфнеманкса озафттядязь тюрмав. Вдь тон тонць азондыть, што тинь графть мархта кивок ашедязь няй. Кулхцондомак монь, эсь духовнай отецень. Сонць шкайсь мярьги простиндамс эсь врагцень лангс обидатнень! И тонь мелет лувови лама цебарьда тонь христианскяй поступкацень инкса, кда тон юкстасак сембонь... Кда тон максат вал киндингя аф азондомс, мон азса тонь обидачень Стефания графиняти. Сон—доброй католичка и аф ужяльдсы золотать, штоба хоть афламняда идемс шкайть инголе тонь обижайцень виноватшинц. Макст вал, идняй, пресвятой Мариять лемонц мархта, што тон киндингя тянь колга аф азондат. Верондак, што мон тейть арьсян аньцек пара. Мон максан тейть благословения. Аф честнай ломанць жа аф мяни шкайть наказаманц эзда!

Иероним отець сельмонза гипнотизировандазь Хелять. Сон цють марявиста тошкась:

— Мон аф азондан.

Иероним отець ласковайста путозе эсь стака кяденц сонь прызонза и мотерьфтсь молитвань валхт.

Вакстонь комнатаса Стефаниясь палозь-палсь визьксть эзда, мес тейнза, Иероним отець милостенц коряс, сашендови налхкомс двусмысленнай роль сембе тя историять эса, и эсь шкатулканц эзда кочкесь мелкай золотой вещат...

* * *

Илядёнберьф Людвигась ульсь кепотьф, восторженной настроеняса. Сонь ширезонза сембонь мялень шарф-томасна, кенярдемась, эсь мазишинц колга думандамась, Эдвардонь маласа ащеманц эзда павазсь, волнующей чувстватне, што сон васенцесь тя шумнай обществать эса, шаракафнезь сонь прянц. Лучшай семействатнень эзда од ломаттне лувондозь эстейст честенди тердемс сонь мазуркать али краковякть танцовандама. И прянь шаракадомс сон танцовандась бурной национальной танецт, пяк кепсезень мяльсон и шаржу атятнень и од помещикнень.

— Сон изумительнай!—азозе Варнери, танцовандай Людвигать лангс кенярдезь апак лотксек ванозь.

Сон Врона капитанть мархта валги залу, а Эдвардонь кадозь Замойскяй князьть мархта. Куцемать мекольдень шятяманязон эзда няевсь сембезалсь.

— Аватнень шири монь мялезе аф кепотькшни, мосье Варнери! Кокаинонь шипоткясь мялезень кепотькшнесы сяда пяк, чем сембе нят патентованнай красавицатне,—французскяй валхнень аф азомшка колсезь отвечась Вронась. Брезговандазь срмафтозе коняниц Варнерись.

— Вкуснень колга аф споряйхть... Когда тон арьсят, удобна ули, кда мон сонь тердьяса вальсонь фкя турс? Аф сьопса, мон пцтай кармань кельгомонза!

— Монь койсон, тердемс можна, клитейть тяшкава афкирдемшка ни. Но аныцек так юксне, посторонняйхненди тон—Замойскяень сяда йомла цьоранцты гувернерат... Арьсян пара! Хоть тянь лангс и надьямадонга кржа,—вялайста мярьгсь Вронась.

* * *

Алняня вахмистрьсь настойчивайста вешендесе Юзефонь кядьста, штоба сон терьдельхце Шмультке лейтенанть. Атясь, мзярда няезе, што вахмистрьсь сувай и апак мярьк, тусь азомонза.

Несколка минуатада мелеэвондась Шмультке кядень пецек Стефаниять мархта. Обер-лейтенантьсь весялаль. Мзярда няезе вахмистрьть, сон кяжиста шерьфтезень а-ля Вильгельм усанзон.

— Местеме тердемайть, Зуппе? Мон

вдь азыне, штоба пустякнень мархта монь афолемасть беспокоенда.

Шмультке ашезе ноля Стефаниять кяденц, и Стефанияськя тумс ашезь эряскад. Вахмистрьсь ашезь веш корхтамс Стефаниять пингста, но лейтенантьть усанза тарсть сяшкава ужасаючайста, што сон эряскадсь максомс рапорт:

— Азондса, господин обер-лейтенант, што мон кундаине фольваркста Мечислав Пшигодскяень, конань тон пякнить ни весть, и кона азондсы эсь прянц военнопленнайкс и ворьгодсь марса лия арестантьтнень мархта вокзалть лангс дезертирхнень налетсон пингста...

— Пякстаф—и прекрасна! Мог тянь азомс ванды.

Вахмистрьсь афрешительнайста фкя пильгонц лангста шятясь омбоцеть лангс.

— Но тя ломанць смущандась солдатнень эса... Тяда башка, фольварку сась господин майорть ирецта деншикоц и кандсь вина мархта коста бди сывф корзинка. Сон кармась солдатненди азондома, што бта сон содасы, што Германияса тиевсь...—вахмистрьсь шорявсь и коданга ашезе аз страшной валть.

Шмультке нолдазе Стефаниянь кяденц.

— Мезе станя?

— Эста тя военнопленнайсь кармась солдаттнень корхнемост, штоба пякснемс господа офицерхнень.

—Пандя! А тон косолеть? Простиндамак, графиня, тейнь эряви тумс.

Тревожендаф Стефаниясь эряскадсь вяри Эдвардонди. Ланга-лунга азондозе Юзефонди, конац ащесь озада кенкшть тейса, сонь цьоранц сьолгондоманц колга. Атясь курок валгсь алу.

Стефаниять кулхцондомдонза меле Эдвардсь кизефтезе Вронать, конац сувась:

— Сире Юзефть омбоце цьоранц тон вербовандайть?

— Аш. Тя субъектьсь страннай. Мон предложениязенди шовдава отвечась, што сон топодсь воявамда и сонь ширденза саты.

Казимир Могельницкяйсь, конац ашезе кадонда цёранц кабинетонц, эреклась пилес нувамать эзда.

— Эряви, штоба Шмультке афольхце нолда эсь кядьстонза тя негодайть.

Кха-кха-кха... Вообще подозрительна, коста сон эвондась.—Сон тага кармась козома.—Ведь ты типсь способнай любовай преступленияс... Мон аныцек тячи маряйне, што сон тьяса. Сон, оказывається, пикссезе Францискать... Эняльдянь тейть, Эдвард, примак мерат!

—Озафтка седицень, аляй, немецне и миньфтомноконга урядасазь сонь коза эряви. Сембе ты историясь, в конце концов, аныцек минь кядезонк... Денщиксь, содаф, морафнезень майорть секретнай каготканзон, и цебярь, што солдатне содайхть революциять колга. Ничего, Стефа, сембе ты аш мезевок. Адя, князь, хорхненди, ванцаськ, коданя весялгаткшнихть од ломаттне,—тоста сембось няеви цебярьста.

* * *

Тя иляденыберьф Францискась работась кухняса. Сонь ашезь нолда инжихнень меле якама шамасонза кафта оцю сенем пятнатнень сунеда. Мзярда тейнза Юзефсь азозе мирденц пякстаманц колга, сон васенце минутаня ашезь сода мезе азомс, а сядя меле кяжиста кармась тарелкатнень галдорфтома.

— Ну и катк! Мес пяк тейнь эряви? Аф мирде сон тейнь! Штоба юмальараль тяфтама эряфсь! Катк хоть сонь пондасазь, тейнь сон аф ужяль.

Сельмеветтне шорясть тейнза корхтамс. Тейнза ужялель эсь пряц, эсь колаф одпингоц. Лятфнезень сембе оскорблениятнень, обидатнень, конатнень сон няезень ты кудса. И сембода оцю обидась ульсь Мечиславонь лангс, конац пикссезе сонь сама шиня. И аныцек кодама подлай валса ашезь мярьгонде сон Францискати. Сельмеветтне тусть нингя сядя вишкста. Ужялель эсь пряц, ужялель сонга. Мезе сон тоса тийсь? Мезе тянкаса ули? И сяс, мес Мечиславонди грязясь бедась, тейнза ульсь тревожна. Сон ашезь веш витькстамс, што тейнза страшна сонь судьбанц инкса, што сон тейнза нингя эряви и цебярь.

* * *

Стефаниясь ужяльдезь варжактсь Францискать лангс. Горничнайсь, сельмеведензон кирнезь, смутяфста пуворясь фартукть пенянь.

— Мон вряд ли могу мезе-мезе тиёмс. Сире графсь пяк аф кельксы тонь мирдцень. И вообще сейчас тяфтама

пингсь...

— Тон сембонь можешь тиёмс, ясно-вельможнай пани. Эняльдянь тейть! Тейть аныцек корхтамс господин офицерть мархта, и сон нолдасы,—эняльдезь тошкась Францискась.

Стефаниясь тись отрицательнай жест.

— Аф, сейчас тейнь аш кода корхтамс тынь колга господин лейтенантти! И сияк тон дивандафнесамак монь—ломанць пиксси эсот, а тон...

—Ну, мезькда! Пикссесамань—значит, кельксамань...

—Вона кода!—Стефаниясь шарьхкотькшнезе, кодама роль кирдсь ты тевть эса сире графсь, и ашезе лув эрявиксонди сядя тов вятемс корхнемать. Горничнайти макссь аф определенной обещания и коридорста, коза сонь тердезе Стефаниясь, меки мрдась залу.

Хелясь вишке трнатомать эзда кяшендсь одеялать алу.

Тревожаф тядяц ашезь вакссонза.

— Может, кучемс докторонкса, идьняй?

—Аш мезевок, тядяняй, йотай. Мон цютькяня кельмонь. Кадомак монь ськамон...

* * *

— Ну, тyani тон монь эздон аф мяневат, каналья, кода васенце разня! Так тон корхтат—пакснемс офицерхнень! Мзярс тейнек ули кода нюрьхкалгафтомс тонь пинень эряфцень сроконц... Ну, отвечак кизефксненди, сяфтома... Шмультике моркш лангти вачкодезе пара беллумть дуланц.—Лемце, фамилияце?

— Пшигодский Мечислав.

* * *

Оцю залса танцовандасть мазуркать. Кенярдезь вачкиезь каблуксон паттне, плавнайста шашнесть даматне.

— Тон пяк мялезон туть, графиня!

Людвигась пеедсь. Сон Варнерить лафтувонц вельф ванць хорхнень шири, коса ашезь стядя надменной и одержаннай Эдвардсь. А лейтенантсь думандась, што Людвигась пееди тейнза...

— Катк моряста моряс кармай улема великай Польшась! Катк эряй польскяй великай дворянствась! Сатсайнек врагоньконь песнон!—ивадсь Владиславсь, конац винать эзда йофси юмафтозень йононзон.

— Эряза!—отвечась тейнза залсь и аф ламос паннезе оркестрть.

НИЛЕЦЕ ГЛАВАСЬ

— Аляй, ватт, шинясь инжекс сась!—
Мойшесь кяднясонза кунцесыне урдазу
кьяксть эзда золотой пиндолфнень.—
Аляй! Мон тейть кандан афламня ши-
нять эзда... Сон ворьготькшни, аф
максы пря кундамс...

Мойшесь конендсыне сельмонянзон.
Одинокай цильфсь ляцсь сонь шамазон-
за. Сон содасы, шинясь сейчас туй удома,
эста кармай улема йофси шовда. Сейчас
атяц и аляц вишкста-вишкста кармайтхь
стукама молотоксон мархта. Синь тяф-
та тиендихть фалу, мзярда мадома
лангс арси шинясь, сяс мес синь аш
керосинца. А тейст эрявихть тиемс
кямот. Ванды ширезост сай каркс эзем-
сонза оцю пееь мархта кяжи алясь
и кармай иватькшнema атянц лангс.
Мойшесь аф содасы, мезень колга алясь
корхтай атянц мархта, а атяц содасы
и тейнза корхтай тоже мезе бди аф
шарьхкодеви. Атяц содасы сембонь. Ме-
зень ба колга сонь афольхце кизефте
Мойшесь, сон фалу отвечай... Вов ба-
базе крвьясни ни щепкат пильгонятнень
алу. Курок карматама ярхцама! Мой-
шесь лятфнесы, што сон вачеда. Кунара
ни ашезь ярхца мезьдонга танцтида.
Фалу вайфтема фасоль. Мзярда ба-
базень моли мялец сонь пицеманц эз-
да? Пади, Сарра акац канды тейнза
марь или конфетка? Мойшесь кельксыне
конфеткатнень и Сарра аканц. Сарра
акац ласковой, цебярь. Сон фалу колен-
ди Мойшеть мархта, мзярда аф стай.
Сон няезе ся оцю кудть, коса лама
акатне мезе бди стайхть... Сарра аканц
сельмонза оцюфт-оцюфт! Равчт, кода
вакxась. И синь эздост Мойшесь няйсы
эсь прянц... Мойшеть тожа ули сон-
ценъ уженяц—моркшть ала. Тяса сембе
сонь козяшиц—эземня, кедень пьлькс-
кат, афоцька молотоконя, конань мак-
созе аляц, шуфтонь эськонят. Мойшесь
тоже стай кямот, аньцек налхкшкянди.

Моркш ала Мойшети цебярь. Тяса
сон киндингя аф шорси и тядяц аф
иватькшни лангозонза, мес сон шорьси
пильгалост. Аляц и атяц работайхть
ляя ужеса, потолокса вяльмянять ала.
Тоста шинясь инжекс сашенды пяк шу-
роста, но афламняс сашенды. Мойшесь
аф кенери сонь мархтонза колендемс,
кода ворьгоди меки.

Лия ужеса пянакудсна—тоса тядяц и
бабац. Лия ужеса кровать. Бабац утци
пьянаклангса. Сарра акац утци арзять
лангса. Атяц—кедь мархта ящикть ланг-
са, аляц и тядяц—кроватьть лангса, а
Мойшесь сембонь мархта мельцек-пе-
цек. Кудса ниле ужет, а тейнза ниле
кизот. Аляц исяк корхтась атянцты...
Мойшесь ашезь кенерь лятфтамс, мезе
азсь аляц. Читоргодсь кенкшсь. А-а-а!
Сарра акац! Мойшесь нльня комотсь
кенярдемать эзда.

Сон фатязень ни Сарра аканц плман-
жанзон. Сейчас сон куляксасы, кандсь
ли сон гостинецт... Мойшесь содасы,
коса сембода цебярь ащемс илять,—Сар-
ра аканц плманжанзон лангса! Сонь ку-
вака, стака касанза Синь пенясна парга-
нат, и пяк цебярь синь мархтост шал-
хка пенянц котькфтемац.

Вишкста стукайхть молотокне... Иля-
дсь курок равжа вазьса сьолксы валь-
мянять. Аньцек пильгенятнень алда
толнясь кармай валдопнемонза комна-
татъ...

Тядяц керьси кши. Аляц и атяц шта-
сазь кядьсон.

— Мес тон аф корхтат, Саррочка?—
кизефтезе аляц.

— Монь Шпильманць панемань ма-
стерскойста.

— Мезенкса?—сембе ивадсть пцтай
фкя пингоня. Аф корхтай аньцек Мой-
шесь.

— Сянкса, мес мон тейнза мярьгонь
веронь потяй.

Мойшесь аф содасы, мезе ся „веронь
потяйсь“, но, улема, мезе-мезе страш-
най.

— А тон думандать, што тьякса сон
касфтсы тонь жалованияцень?—Тядянц
вайгялец кяжи. Сон аф кельксы Сарра
акать.

— Тонь койсот, Фира, тейнь эряви
аф корхтамс? Сон эрь ковня кирьфнезе
минь заработканьконь, мярьгондсь рабо-
тамда эрь шиня кемнилиень част. Сонць
козякаткшнесь, а минь кядьстонк трьо-
шникнень нельгондезень. Противнай
гадина!

— Мезе ина тьяни тиемс? А минь тонь
жалованияцень мархта сай ковня ве-
шеськ пандомда квартиранкса Абра-
махерти,—эвотьфста азозе атяц.

— Пяк эряви тейнза тя? Сон эряй эсь
йонцонза, сонь сонценъ гонороц... Цють-

цють аф вельможнай пани! Сон машты азорти грубостень азондома, а ванды тейнза аф ули мезьда ярхцамс. Али тон надият, што тонь трыядязь альнякацень мархта аляце?—ивади тядяц.

Мойшесь эводезь ваны сонь лангонзонза. Сон осалня, шалхкоц сонь оржа. Тядяц фалу сяряди и кяжияфни.

— Аф эряви сялондомс, Фира. Кда кудса несчастья, то сялондомать эзда сон аф кири.

Тяфтаня корхтай атяц. Сон кельксы Сарра аканц и Мойшеть. Атясь сиреня. Сакалоц сонь кувака, акша. Сельме габанза суюворат, а сельмонза добрайхть. Атяц фалу ащи комафста, сяс и сонь копорецка мянтъф.

Кие бди стукай кенкшти. Вов сон панжевсь, и Мойшесь няйсы важнай алять Абрамахерть. Сембе станяжа ванныхть лангонзонза и аф корхтайхть.

Наконец, корхтазевсь атяц.

— Цебярь илядь, господин Абрамахер! Озак, пожалуйста! Фира, кровястить свецятнень.

Мойшесь вешсы кизефтемс атянц: дряй тяди суббота? Но сон пели важнай алять эзда.

— Мон сувань кизефтемот, Михельсон: думандат ли пандомс квартиранкса али мон должнан примамс лия мерат?—мярьгсь важнай алясь.

— Тон учт ни аф ламняс, господин Абрамахер. Пандсаськ обязательна! Аньцек сейчас ярмаконьке аш. Фкявок марка! Тонць содасак, стака тяди эрямась беднай ломаненди. Мезе заработандат, сян и сивсак. Вов и думандаме Саррась получай жалованья, но сонь господин Шпильманць панезе...—саворня отвечай атяц.

Алясь варжакстсь Сарра аканц лангс. Алясь похожай куя катоть лангс, конац ащи заборть лангса и ванонды кирькснень лангс. Катось хитрай! Мярьгат уды, а сон сембонь няйсы. И кирьккссь аньцек кенери шятямс заборть лангс, катось сонь—цап мадясонза!.. И усанзовок алять, кода катонь.

— Тейнь тя сембесяка. Мон кизефнеса: мзярда пандсасть квартиранкса?

Сон кармась вазенц шафтома. Куроконя ба туль!

— Кда сембе ниле ковокса ванды аф пандсасть кодгемонь маркатнень, то омботь карматада эряма ульцяса.

— Мес ульцяса? Вдь тоса тядла ни! Шкайда пельхть, господин Абрамахер. Ули жа тонь седице! Вдь тон тоже еврейт!—аварьгадсь бабац.

— Мон васендакигя—кудть азороцан. Шкайти и нищай еврейхненди эрь ковня мон жертвондан цютькя сядла лама сянь коряс, мзяра тинь должеттада тейнь. Кда тинь арьсетяда, што еврейсь еврейти аф должен пандомс квартиранкса, то тинь пяк эльбяткшнетяда,—корхтай алясь.

— Кодама тя квартира? Тя жа лазкс!—ивадсь аляц сяшкава, што Мойшесь тркстадсь.

— Ха! Лазкс? А тинь мяленте кеветие маркада эрямс дворецса?.. Ну, мон азыне сембонь. Ярмакне штоба вандыкигя улельхть! Сядла башка, вообще штоба тинь вешеледе лия васта. Монь аш мялезе кирдемс эсь кудсон неблагодарнай грубиятнень,—и алясь шарсь кенкшть шири.

Тядяц йордавсь сонь мельганза.

— Ожу, господин Абрамахер! Тят кяжия мирдезень лангс сонь валонзонинкса. Минь ломаттне аф образованнайхтяма, может, и аф машттама азомонза, кода эряви. Тон минь простиндамасть ина, господин Абрамахер! Конешна минь пандсаськ!.. А может, ярмакнень эзда полать мезьса-мезьса тисаськ? Тинь, например, сивоткшнетяда прачка? Так мон могу тейнтъ муськондемс белья... Может мезевок эряви стамс госпожа Абрамахерти и стирьнятненди? То тядь может ти емс Саррась,—пеняндазь энялтькшнезе тядь важнай алять.

Алясь нингя весть варжакстсь Сарра аканц лангс и мярьгсь:

— Тяфтак и улеза, мон несколько ши учан... Катк сон, —алясь сурсонза няфтьсь Сарра акать лангс,—ванды моли тейнь монь конторазон. Может быть, тейнза муви работа... Но ярмакт тинь сембесяка аноклада...—И важнай алясь тусь.

Мойшесь пяк йорай лифтемс кяленц сонь мельганза, но кда няйсы тядяц, сон тага усксесы пиледа, кода шовдава, мзярда сон катоть пулос сотнесь эськоня мархта коробка.

* * *

Аньцек вень кучкада меки сась Сигизмунд Раевскяйсь афоцька комнатаняв;

Ядвига съ тревожнайста ванондъ сонъ мельганза. Веть, сонъ ктморямстонза, тошкась:

— Мон сяшкава аф ламос няенте... Тага, Сигизмунд, сембе станя, кода эста! Аф озси монъ седизе—мон пелян тонъ инксот! Тяфтамка, улема, монъ павазозе... Мзярда сать меки, эсь павазозти ашень веронда. Вдь мзяра киза—шарьхкотък, Сигизмунд, мзяра киза!—съкамон тонъфтемот...

Сигизмундъ апак корхтак путозе сонъ лафтувонц лангс эсь оцю кяденц. Тя прикосновениясь тейнза ульсь всякай ласковой валда питни. Нят валхненъ азондома сон ашезь машине и инголинга. Но тейнза ли аф содамс, конашкава псиста, конашкава нежнайста может кельгомс сон. Сонъ мялямсонза лятф-тавсь синь васень васедемасна Варшаваса нелегальной пуромксса. Сонъ эста ни ульсь партийнай кличкац—Хмурай ялга. Ядвига съ пуромкссата тусь Польшанъ социал-демократическай рабочай партианъ членкс. Мянъ куду молемс од ялгать ильхтезе водопроводонъ сери слесарьсь, комитетонъ членц Хмурай ялгась. Ся веста ушедсь синь марстонъ дружбасна, а тоста кельгомасна...

— Тейнь страшна думандамс, Сигизмунд, што тинь могут нельгомс монъ кядьстон. Мон корхтан—тинь, сяс мес цьоранясь кармась молема тонъ мельгат. Сон аф лядонды тонъ эздот... Мон содаса, што лиякс улемс аш кода. Но шарьхкотък, кода кирдемс тянь монъ седиезти? Коса ба мон афолень уль, мезе ба мон афолень тиенде—фалу мяльсоннотада тинь! Мон сяшкава лама кирдень, сяшкава лама няень, што тейнь аф кирдеви тя юмафкссъ...

Бта сонъ лоткафтозь, Сигизмундъ суронзон мархта люпштазе сонъ лафтувонц.

— Тяфта нельзя, Ядзя! Мон сембонъ шарьхкодъса. Мон станя жа содаса, мезе ся седиень сярядемась. Тядятъ жа сон, конешна, сяда вию. Юмафтомс—тя ужасна. Но кода ина тиемс? Вдь тон улетъ партиаса. Тейть ли аф содамс, што кда ушедсь ни тюремась, то цельсь фкя—срафтомс врагть, мезе ба тя афоль тий, может быть, самай дорогойтъкя тянкса юмафтсак.

Сон эсь мяшьстонза марязе Ядвиганъ

прянц и сельмеветтненъ эзда начка щеканц. Сон, растеряйнайсь и обезоруженнайсь, кулхцондозе Сигизмундонъ.

— Мон сейчас аф карман осуждать тонъ партиаста тумачень инкса. Эрьси станя, што лафчти аф кирдеви тюремать сталмоц. Аф сембонди кирдевьсь кядьсост партийнай знамясь нят кизотненъ. Кой-конат эздонза тустъ, сембе заботаснон и йонцнон максозь семьяти. Тейст семьять юмамац—синценъ юмамасна. Но дряй можна сембе эряфть тьялкфтамс тя комнатати? Думандак, Ядзя!—Тон мрдат тейнек, монъ кельгомнязе, и тянь эзда тага муят паваз... Мезе ба афоль лись минь мархтонк, тонъ фалу ляды эряфонъ сембода прекраснай, сембода благороднай цельце, кодама аньцек содай человечествась.

Ядвигать трванза нежнайста токасть мяштенц ся вастонцты, коса шави сонъ седиец. Сон, оцю ломанень оцю нежностьса фатяфсь, Ядвигать ускозе эстейнза...

А комнатать омбоце паса, кядензон йордазь, крхкаста ваймонц тарксезь, кемоста удось цьорасна. Сон няйсь он. Синь алянц мархта ащикть сери панда пряса. Перьфпяле пэфтема степь. Ве. А тоса, коса шинь стяма ширесь, валда тол. И няеви, бта толкстоми степсь. Вармась пачфнесы малаткшни бурячь увфонц. Ичкизе, коза няихть сельмотне, кода волнась волнать мельгя молихть ламодонга лама ломаттне. Валдоптфт яркай светса и толда валдста палыхть знамятне. Пиндолды стальсь. Тары модась алашанъ копытатненъ ала. И сембонъ тянь вельксса леборди и яфияй могучай морось. „Тя, цьорай, миннетне молихть. Адя васьфтемот“,—корхтай аляц и сявозе сонъ кядьта...

Раевскаяйхне сргозсть рана шовдава. Ульсь неделяши. Водокачканъ машинистть ширеса, станциять эзда пале вайгяльбе вастса, крхка карафса, ляить маласа, тачи должеттольхть васедемс революционной рабочайхне. Сембе нят шитненъ и иляттненъ Раевскаяй фкяць омбоцетъ меле вешендезень синь сят братскаяй свясьненъ коряс, конатненъ ванфнесазь ломаттне, конат мзярда-мзярда тюрьсть марса эсь угнетательснон каршес. Сон музень и сире подпольщикненъ, конат временна аердсть тюремать эзда. И коза ба сон афоль шятя, сон эсь фта-

лонза марязе цьоранц, конац оржаста ванозе сонь. И тyani, мзярда машинистть просторнай комнатас пуромсть рабочайхне, Раймондсь ащесь панда прясa стрелочникть шава будканяса, депоти шары кить лангса. Тяста тейнза перьфпяли няеви сембе. Алува, ляйтть маласа, водокачкась. Види вальмянява няеви машинакинть насыпсь и север шири тушенды стальной релечне. Кержить эзга няевихть подъездной китне и депось, а тоса—вокзалсь.

Ковалло машинистсь сембе пингть возьсесь тяса, тись пря, бта петнезе седьнять. Мзярда алга, янняява, конац моли ляйтть кувалмова, йотась нилеце ломанць, сон кавлалонза сявозе узертть и тусь будкать шири.

— Тyani, цьора, ватт оржаняста,—сон азозе коськста Раймондонди.—Сей самс аш кинди. Кда кивок случайна и токади, то нолдак. А мзярда сон кармай валгома алу, яфодть шапкасот. Мон кудста стирнязень кучса ванондома. Сон тейнь азсы.

И сон тусь алу.

* * *

— Олеся, архт, тоса варжаксnek кудонь тефнень мельгя. Да так юкста, мезень колга мон корхтань,—куду сувамста и стиренц шири ваномста азозе Коваллось.—Тейнь арам, тyani сембе састь? Сяс можна корхнемс.—И Коваллось тястотнень лангс варжакстсь кизефтемань варжафксса. Эсь щетинакс ащи сакалнянц и нюрьхкяняста нараф шяярензон мархта сон похожаель сеель лангс. Сонь серай йону сельмонза лоткасть Раевскяйнь лангс.

— Значит, корхтама кармат тон, Зигизмунд. Ушетт, а минь кулхцондтама,—моркш ваку озамста азозе сон. И, лядыкснень шири ванозь, кизефтезень:

— Пади, содасасть кие сон? Минь мархтонза сире приятельхтяма. Кода тинь содасасть, сонь сей кучезь фкя вастса ащи ведть нолдама. А то тяса пяк лядоме народть эзда... Ошса ушеткшихть кальдяв тефт, тейнек эряви арьсемс тянь колга.

Ковалло Григорийсь корхтась украинецокс.

— Ялгат!—ушедсь Раевскяйсь.—Тязк-онь Революционной Комитетсь мярьгсь

тейнь кой-мезе арьсемс тинь мархтононт.

— А кие сонь эсонза, ся Комитетса? —простодушнайста кизефтезе осал Воробейкось, конац скромнайста озась комнатать ужес. Сон сембода одсель тястотнень эзда. Раевскяйсь варжакстсь лангозонза и пеедезевсь.

— Можете улемс спокойнайхть,—ломаттне надежнейхть...

Воробейкось смутявсь.

— Минь ули ни партийнай организацияньке,—сяда тов корхтась Раевскяйсь.—Виде, эздонок аф лама—сембоц колмагемонь сисем ломатть. Но синь ломаттне провереннайхть. Ошса, улема, моли переворот. Немецне тушендыхть, а пантне сявондьсазь власть эсь кядезост. Тячи тейнек аш мезьса вачкодемс нят кяттнень ланга. Значит, эряви тев тиемс, эрявихть кеподемс машинакинть рабочайхнень, сахарникнень! А то кемокстайхть нят кокнайхне, и тоса синь йордамасна ули аф тьождя.

Раевскяйнь каршеса ащись, кальдявста кроиндафсь, но кемоста стафсь Данило Чоботсь, кода антрацит равжа ломанць, конань мархта сон аннезе эсь паровозонц топканц, шерьхкозевсь сембе теланц мархта, и жалобнайста читоргодсь сонь алдонза табуреткась.

— Сембе шарьхкотьф... А вов мезса минь карматама паннятнень шупама? Народть минь кеподьсаськ, тя факт! А оружия аш? Клокса ламос аф тюрят,—эсь вию вайгяленц пандозь мярьгсь сон.

Сембе ашесть стрянонда, кода варжакстсть сонь огромнай клоконзон лангс.

— Кда тейнек эрявихть оружиат, то ичкизи якамс аф эряви—сисемце кить лангса, тупикса, ащи пломбировандаф вагон. Тоса винтовка мархта ящикт. Монць няине, кода маразь,—весаьгадсь Воробейкось.—Ну, а патронда артиллерийский складса, конац станциять вакса, пяк лама! Кда тяфта тусь тевсь, то минь хоть тя веня вагонть паньцаськ сей, водокачкать малас, тяса курок шамдсаськ и марасаськ запасной камерас. Водокачкась ащи ширеса, тянь кивок и афоля няйсы... Аньцек удомс аф эряви.

* * *

Раймондсь ванць будкать тейс малаткшни цьорать мельгя. Тонац мольсь видеста насыпть ланга. Вармась пачфнезе мороть пяльксканц:

Ты на вик, моя кохана,
Смерть одна разлучит нас!

* * *

Ульсь кельме, но цьоранять лангставатнай курткать полонза келептьфтольхть келес. Сонь, улема, пяк пароль настроенияц. Рыжай шапканяц кепотьфмянь пря кучказонза. Кенерьф розень тюсса волнистай чубоц катфоль вармат забаванди. Цьорась мольсь зепонзонды кядензон путозь и мялень касозь морась. Раймондсь содазе сонь. Тя ульсь Андрей Птахась, сахарнай заводть котельнайстонза кочегарсь.

Тяни Раймондонь тревожсезе фкясь—ков мольсь Птахась. Кда вели, то сон переездть туркс туй види шири. Вов сон переездть лангса... Аф, шарсь сей! Содаф, моли водокачкать шири, сяда башка аш ков. Раймондсь кадозе эсь постонц.

—Эй, Андрюша!

Птахась шаркстсь, дивандазь варжакстсь коста бди эвондаф Раймондть лангс и тусь сонь каршезонза.

— Тон ков, Андрей?

— Мон Григорий Михайловичень шири. Вона, алува, сонь кудняц.

— А месендема тон кармат тоса?

— Месендема? Хм... Да кода и инголе. Сонь ули цебярь нармонняц... Так вот, мон неделяшива якан сонь кулхцондомонза. Лац морай, шельмась!—лукавайста пеедезь, отвечась Птахась и кемоста люпштазе Раймондонь кяденц.—А тон месьть тьяса якафтат?

— Мон? Тяфтак... случайна повонь. Вестенгя ашелень нят васттнень эса... сань ваномост,—ашезе сода мезе азомс Раймондсь.

Птахась пеедемода лоткась. Сонь серай отважной сельмонза аф верондазь ванондсть Раймондонь лангс. Сон весть кяденц яфодеманц мархта такьянцшафтозе мянь сельме кабанзонды.

— Йорат ваномс? Няендень тяфтама рябчикт!—Инголенза арась кяжиста и поладозе.—Сяда пара ули тейть лия васта кочкамс. Тьяса ванонтфт ни, шарьхкодеть?

— Мезевок ашень шарьхкодь!

— Ну, эста апак тюрхть аш кода!

—Тюремс? Мезенкса? Няеви, што тон тяти каподеть...

Но Птахась шарьхкодевиста таргазе зепстонза кяденц.

— Тон месьть дураськаткшнят? Думандат, кли тyani тинь властсь, так меземяльце, сянть и йорат тиёмс. Сельгондемс мон хочу сембонь тьянь лангс! А вов ушедтя штукатурендамс, эста кармат содамонза, кода связывандакшиёмс хохолхнень мархта. И приказськя тейть аф лезды!—эвфтезь ивадсь Андрейсь.

— Лоткак, Андрей! Кодама власть? Кодама приказ? Кда тейть пяк охота ни тюремс, то мук эстейть кингя лиянь,—отвечась Раймондсь, конанц мяленц мольфнезе Андриень поведенияц.

— Мезе, меки потат? Содасы катось, кинь сиволенц сивозе! Сембе тинь, поляконятне, фкя лацотада: лангсот шелк, а потмосот шелк! Тонадоде арнема хохолхнень лангса, кода оселонь лангса.

Раймондсь арась инголенза. Сон цють цють кирнезе эсь прянц и мярьгсь:

— Кда ба тон афолеть уль ирецта, то нят валхнень инкса синнелине батонь ирьхкснень... Пристандатель, кода кяжи пине! А мон нингя тонь лувондыхтень цебярь цьоракс... Мезенкса тон оскорбиндакшнесак сембе польскяй народть? Мезень лангсон шелк? Кинь копоренц ланкса мон арнян? Эх тон, шочка!

Апак содак, мезса аделаволь ба тя корхтамась, кда ба афоль серьгаде алу да стирень кайги вайгяльсь.

— Андри-и-й!

Кафцьке варжакстсть. Алува, куднять тейса, ведень камерать цементированнай площадканц лангса стяда ащесь Олесясь. Несколько секунда Птахась ащесь фкя вастса и ашезе сода мезе тиёмс. Тоса, меки пря кучказонза кепозеде такьянц и кармась валгома. Мольсь мзярошка аськолкс, сон лоткась, и, аф Раймондонь лангс, а ков бди шири ванозь, азозе:

— А тон все же эстейть ванонтт лия вастста. А то тон цьорась хоть и своят, а нярьцень нардаса, шарьхкодеть?

Олесясь терпенияфтома учсь, мзярда моли тейзонза Андрейсь. Нльня сей, пандалу варжакснесь кельме и коське бродяга—вармась. Олесяти сашендовсь тюремс сонь каршезонза и араламс юбканц сонь аф скромнай кядензон эзда.

Лямбе кодаф свитерсь плотнайста пштетькшнесь сонь мяштенц и лафту-вонзон ваксс. Тейнза мольсь кемзисем-гяце кизось. Тя ульсь порывистой и жизнерадостной смуглянкась, равжа сельмось. Жественной застенчивость и задорсь няевсть сембе сонь движениязон эзда. И тя противоречиясь нинге сяда пяк шарфнезе ширезонза мяльть.

Сон, горнай казанякс стройнайнясь, содазе эсь цебарьшинц. Сонь эсонза сргозьф авась няфнезень сембода мази движениятнень и кокетствань ся неуловимай формат, конанди, эстейнза апак содак, сон фатнесь, сяс мес ульсь желанияц тумс мяльс.

— Тон мезень колга корхтатъ сонь мархтонза?—нльня ашезе кад шумбракстома и сон видеста кизефтезе Андриень?

— Тяфтак... Родня ширеньконь колга... Сонь аляц и монь бабазе—двоюродной знакомайтъ. ...А тон мезе, сонь мархтонза фкя-фкянь лангс ванонттада? Мес жа тинь кельмоть эсотада, мес куду аф тердсак? Мон тейнза вешень каямс пси, да тон...

Вдрук Андрийсь корхтамда лоткась. Стирнять пясес коньф сельмонзон эса сняроль кельмода, што Андриенди арась аф цебарь.

— А нингя мезе?

Тя кизефтемать эзда Птахась марясь угроза. Пеелемсь васедсь кевть мархта. Андрийть ашель мялец кяжиякшнемс фкя-фкянь лангс—аф сянкса сон сась сей. Но Раймондонь мархта васедемась и тяшкава неприветливой и нльня кяжи Олесять допросоц колазь сембонь.

— Нингя мезе?—Олесясь вачкодезе каблучокоянц бетонти.

— Нингя мон азыне тейнза, штоба сон туль тостонга тов, шарьхкодить?

Андрийсь арьсезе, што шись сембесяка колаф и мольсь напролом. Уфазевсь вармась и апак учсек фатязе Олесять. Сон вишкста яфодсь кядьсонза кепотьф юбканц лангс. Андрийсь виздезь сельмонзон нолдазень алу.

— Кодама осел, кодама осел! Мезе тяни кармай думандама ломанць?—мотердсь сон.

Андрийсь колаф мяльса няезень сонь сельмостонза сельмеведь путькскятнень.

— Ну, катк мон—оселан, но мезенк-

са ина тон аварьдят? Мон вдь мезевок кальдяв ашень аз...

— Мон аварьян? Ашезь сатне ся, штоба мон аварьделень эрь цьорокшкять инголе! Вармась сельмонень керьсесыне, а сон... Тоже мельган якай! Нолгоц модати эйндакшни, а нингя сонга... Азк тон тейнь, местема тон сей сашендат? Мзяроксть мон корхтань, што сельмесонга афолихтень няй!

— Мон мес бди тянь ашине куль.

— Ворьть сельмингольден, аеркс!

Олесясь шарсь. Андрийсь ашезе сода, кода ладямс мархтонза. Сон эсь пачканза шарьхкодезе, што Раймондсь сей сась аф мархтонза васедема. Эста ба Олесясь кармаль корхтама лиякс.

— Курендамс горять эзда, што ли?—аф мяль вельде азозе сон и яцесь зепозонза табаконкса. Суронза повсть мяньцеф кагодть лангс. Сон таргазе кагодть, келептезе и нингя вестъ морафтозе: „Волыньца вооруженной вийхнень лангса Польскяй государствать командующаенц приказоц“.

— Тон аф содасак, Олеся, тонь аляце морафтозе тя штуковинать? Мезе сон тиенди? Может тейнь тумс ширезонза, кли ашень ту мялезт?

— Алязень шири нельзя—сонь палонза инжихть. Дай сей!—Олесясь кядьстонза сявозе листокть.

Приказсь сьорматфоль польскяй и рузонь кяльса. Олесясь курок ванозе и шаркстсь Андриень шири:

— Тят яка мельган, мон курок саян...—И тусь ласькозь куд шири.

Андрийсь кенярдсь. Тэфне, кода няеви, цебарьгаткшнестъ. Сон копорь пяльде шаркстсь вармать шири и кенярдемать эзда кармась курендама огромной цыгарка.

Комнатаса кулхцондсть оцю мяльса. Раевскяйсь валом и раздельна морафтсь:

— „Васенце параграфсь. Польскяй народть волянц лемста тячиень шиста сявомок крайса сембе властсь максф легионерхнень штабсонды“.

— Няестъ? Яцесь Украинав и командовандай польскяй народть лемста!—возбужденнайста ивадсь Остап Щабельсь, равжа сельмекаба мази цьорась, депоста молотобоець.

— Кизефтемальхть ба синь, мзярда

синь кизефнесть пря польскяй народть кядьста?—вишкста стясь стройнай Метельскяйсь, и сельмонзон эзда няевсь кяж.

— „Омбоце параграфсь. Ошса азондан осаднай положения. Сисем частта меле аф мярьгондян ошть эзга якамда, кие аф кулхцонды—ули ляцьф.

— „Колмоце параграфсь. Аф мярьгондеви тиендемс всякай пуромкст, сходкат, пуромкшнемат тянка монь мярьгомафтомон. Ломаттнень, конат кундафт командованиять и одс тиф властть каршес агитациянь вятеманкса, мярьгондян ляцендемс сяка жа вастса“.

— Ого!

— Сразу няеви врьгазкс тиемац!

— Вов тя пара „польскяй народть властец!“

— А тя самай польскяй народть эзда пелихть, кода шяйтанонь эзда!

— „Нилеце параграфсь. Инголькигя азондса, што Польскяй государствать гражданонзон личнай владенияснон или синь имуществаснон насильственнайста кажнай фатямац, кие ба тянь афольхцетий, кармай лувондовма грабамакс и фатнихнень мархта ули тиф, кода бандиттнень мархта“.

— Ага! Вов тяста ба и ушедольхть!

— Народсь мес бди аф няеви, а вов помещиконь арапниксь кепотьф ни,—кайгиста азозе Чоботсь.

— Модать колга мзярс аф корхтайхть, штоба народть аф кеподемс. Пингсь нингя изь са — тяла...— азозе Воробейкось.

— А владениятне меств, тонь койсот?—сонь ширезонза шаркстсь Щабельсь.

— Морафтан сяда тов. „Ветеце параграфсь. Азондан доброволецонь набор одс тиендеви частьтненди. Эрь доброволецсь получай полной содержания, обмундирования и ведьгемонь маркат жалования эрь ковня“.

— А сяда тов мезе тоса?—ашезь кирде Коваллось.

— Сяда тов? „Командованиясь кармай вятема беспощаднай тюрема большевикнень каршес, кода Польскяй государствать сембодонга опаснай врагонзон каршес. Большевистскяй партиять эса улеманкса муфнень эстакигя мярьгондян макссемс военно-полевой судс и тевс-

нон кочкамс комсь нилие частонь пингс“.

— Тя специальна тейнек ни!

— Синь кувать аф каттядязь эряма белой светса!

Чоботсь сембе суронзон кяжиста яцезень эсь туста шяярензонды.

— Кие синь тяфтама вишксна?

Раевскяйсь варжакстсь подписть лангс.

— Могельницкяй полковниксь.

Афламняс комнатаса сетьмоль. Раевскяйсь приказть путозе моркш лангу.

— Мон арьсян, ялгат, што тьяни сембе шарьхкотьф?

Чоботсь ванць вальмава и шалхконц пачк таркесе ваймонц.

Раевскяйсь ванфонц мархта варжакстсь сембе вететнень лангс и синь сельмостост ашезь ний аф пелема, аф эводема.

„Народсь кочкавсь цебарь“.

Рабочайхнень шамасна серьезнайхть. Афламняда угрюмайхть. Щабельсь суровой аф эсь кизонзон коряс, Воробейкось грустнайста думандазевсь мезень бди колга. Щабельсь и Воробейкось ашезь сода, што Коваллось, Чоботсь и Метельскяй докторсь ашихть Ревкомонь членкс. Тейст аньцек ськамонза Раевскяйсь ульсь сонь представителец.

Раевскяйсь шаштсь азорть малас.

— Эрявихть шабатнень кучемс ошу куляксама, мезе и кода. Катк Раймондсь тонь стирьценъ мархта молихть.

— Пара, сейчас азса.

— Тьяни минь карматама корхтама сянь колга, мезе тейнек эряви тиенмс,—мярьгсь Раевскяйсь.

* * *

Олесясь ласьксь Птахать малас.

— Адя, аеркс, ошу! Якафттама, ванцаськ, мезе тоса тиендеви. Мзярда куцсть пандть эзга, Олесясь азозе решительнайста:

— Тейть Раевскяень мархта эряви мирендамс, сяфтома—мон тонь мархтот—ковонга! Кда афолеть уль ба тон шава пря, азондолине ба, мес тяса тяцьорась.

И ласькозь тусь будкати.

— Адя ошу, Раймонд! Алязе мярьгсь, эряви ваномс, мезе тоса тиендеви. Тонь аляце лядсь ширезнок, кармай учема. Сей сай Воробейкось.—И мзярс малаткшнесь Андрийсь, сон аф спокойнайста по-

ладозе:—Птахась тейть корхтась мезе аф эряви, но сон сембесяка цьорась цебярь. Тон лангозонза тят кяжия! Ну, айда!

Птахась мольсь и корхнесь, бта сонь и Раймондонь йоткса мезевок изь лись. Вокзалса марявсть несколько выстрелхт. Тревожайста туразевсь паровозсь, но кода бди сразу лоткась, и сядя меле сетьмоль.

— Андрей, тон улеть ошса? Мезе тоса моли?—тревожайста кизефтезе Олесьась.

— А шайтанць содасы! Няине кавалеристтнень отрядсон. Городской управать маласа—винтовка мархта фендриконь кучаня. Фкять содайне—Сладкевичень, адвокатть цьоранц. Эстейст повфнесть такязост акша орелхт... Сембода ламосна гимназистт. Потеха!

Машина китнень эса ашель кивок. Деповской ортатне сьолькфт. Мезень бди пелькс ульсь тя ломаньфтема шить эса. Станциять вельф йотай седть тейса несколько асколькс апак пачкодть, товарнай складть уженц фталда синь каршезост бльхтядсь кодама бди фигура. Тя ульсь австрийскяй полицейскяй. Сон вешсь тумда шири, но колмотнень няемасна озафтозь сонь седиенц. Сон ваймонц сидеста таркsezь и перьф пяли ванондозь яфодсь север шири кядьсонза и ивадсь тейст синнеф польскяй кяльса:

— Тинь тоста ашеде няй вооруженнай ломатть?

— Аш,—отвечась Раймондсь, конац колмотнень эзда аньцек ськамонза маштсь польскяй кяльса корхтама.

Полицейскяйсь тусь ласькозь водокачкать шири. Но Птахась вдрук ладязе инголенза пильгонянц, а солиднай шуцмонць мезь ули серьхть вачкодевсь модать лангс. Тяфтания жа вишкста Андрейсь тифтедсь сонь лангозонза ластя. Кода ся ашезь таронда, но цьорать пукшу кядензон алда изь лисев.

— Раймонд, сьвк сонь револьверонц! Да курокопя.

Раймондсь комась полицейскяйти и, эряськадозь и сединь тотназь, панжезе кабурать и сонь эздонза таргазе револьверть. Птахась ашезе юкста ножнать эзда фатямс кели тесакть и вишкста комотсь сонь лангстонза, и арась прянь

аралама позас. Раймондсь кядьсонза шарфнезе сьвф „маузертъ“ и ашезе сода мезе тиемс сонь мархтонза.

Сембе тя лиссь сяшкава куроц, што Олесьась нльня ашезь стрянонда. Полицейскяйсь стясь. Эводемать и пелемать эзда трнатсь сонь алудонь челюстец. Но Птахать решительнай видоц нльня ашезь кадонда думандама сопотивлениять колга.

— Ну, а тyani ласьк! Шятнек кочкярятнень лангс!—И Андрейсь северть шири выразительнайста яфодсь тесакть мархта.—Аф шарьхкодят? Ну, кода тинь лацонт—махен драпис тостонга тов!

Раймондсь револьверть прдазе зепозонза. Эста полицейскяйсь вишкста кармась синь эздост тумда, сидеста фталу варжаксnezь. Сон йотась мзярошка аськолкс, юксозе карксонц и йордазе тyani аф эряви ни кабурать и ножнать. Андрейсь тусь и кеподезень синь. Яцезе ножнати тесакть и довольнайста пеедезь мрдась меки.

— Коза ба яцемс тя штуковинать?

— Тон мезь, йонцта лисеть? А кда ба сон минь сембонь ляценделемазь?—корхтазевсь каршезонза Олесьась.

— Эх, кда ба да мезе ба, шачельхть шалхкти панкт! Мезенди тyani тейнза пистолетть? Сембесяка лавочканясь лоткась! А тейнь сон кондясти.

— Ну, а штыкть тейть мезенди? Йордак сонь и адя!

— Ну да! Сонь эздонза можна тиемс кафта цебярдонга цебярь пеельхть. Мон сонь вов сей, куцеманянь алу прдаса. Тяста аф няеви.

Сон сатозень синь седть лангса.

— Кульхцонтт, Андрей, кда тонь мяльце нингя мезе-мезе тиемс, то мархтонок тят яка. Минь пяк эрявикс тевоньке,—коськста азозе Раймондсь.

— Ну, мезь тинь пристададе? Вдь лац аци тевсь! Кунара монь мялезель сатомс пистоль, а тяса, ванан, добрась кядь алда мяненди... А пяк мон эвфтине полициять! Содаф, кемонце вайгяльбетъ ласьксы! По-те-ха!—И Андрейсь рахазевсь сяшкава заразительна, што Раймондти и Олесьати ашель кода аф пеедезевомс.

Андриенди мрдась цебярь настроениась. Седть ланга сон мольсь цютъкяня кштизь и моразь:

Гоп, кумэ, не журыся,
Туды-сюды повэрныся!

Тяфта жа вдрук сонь прязонза сась
мяль аделамс тянь благороднай поступ-
каса.

— Содасак мезе, Раймонд, пистольть
максса тейть! Сявк! Содак монь друж-
базень! Мон эстейнь лия сатан.

Олесясь эстакигя шаркстсь сонь ши-
резонза.

— Тон мезе, тага думандат кинь-кинь
лангс врьгятемс? Тят яка мархтонок!
Марясак? Тят яка!

— Да аф, йофси аф! Мес тон тячи
колсесак монь мялезень? Мон сембе
седизень эзда, а сон... Азыне, коленде-
ма аф карман, мезе ина нингя? Кржа

ли коста мон могу сатомс эстейнь? Ко-
дама тонь тевце? Ця, Раймонд, кобурать
и каннек шумбраняста... А мезе тя ава
морсь шарьхкоди военной тевса?

— Тон ава мортъ колга кяльцень пяк
тяк лифне!

Но Андрийсь ашезе кулхцонда ни.
Ктмордазе Раймондонь каркс эзем ви-
дева и смутяфста пеедезь корхтазевсь.

— Кие ингольцеть лятфтасы, сянь сель-
монц таргамс, шарьхкодеть? А тя шту-
ковинать эзда минь подходящай вастса
ляцтяма тифтень раз, тяфта?

Ответть вастсь Раймондсь путозе
кяденц сонь лафтувонц лангс.

(Пец моли)

Мокшеқс йотафтозе Иван Чумаков.

Захар атя

Г. Ельмеев.

Вирь кучканяса
Ащи эшина,
Касы велькссонза
Лапас пашеня.

Види ширеса
Емла од кудня,
Эряй эсонза
Шаржу атяня.

Кяржи ширети
Стяфнефть нешконза,
Панчфнень эзда медь
Кандыхть мешенза.

Нешкнень ёткова
Кинят—такорнят,
Китнень квалманя
Касыхть марьюнят.

Кели эрхконясь
Перьянь песонза,
Налхкихть-уендихть
Калхт сонь эсонза.

Кафта сядошка
«Атятъ» нешконза,
Кафкса сятт пуд медь
Кандсть сонь мешенза.

Сёксень праздникста
Захар атязе
Лац работанкса
Казьнетъ фатязе.

Тя колхозоня
Перьянь—парашись.
Оцю радостти
Ньне атясь кштись.

Март, 1939 к.

РАЗВЕДЧИК

М. Кяшкин.

Полконь командирсь, оцю, сери акша аля, мазы и мужественнай шамаса кядень нежедезь стясь шрать вакста.

— Бруско,—шарфтсь сон адъютантонцты,—тердить Крабовть и Вензельть.

Адъютантоц од украинец, веселай шамаса, путозе кяденц козыреконтцы.

— Ули!

И четкай аськолксса лиссь ушу. Састь синь кафтоксне фкя пингть. Крабов ульсь од, средний сереса таза и мускулистой цёра.

Сонь кургонц и няренц кеме очертанясна няфнезь, што сон смелай и упрямай. Кели шама, ёмла, но пяк мазыста мянтф шалхка; сон мзярда рахась ульсь шамасонза кати-мезе шабань. Сельмонза сонь улет, выражениясна конатнень смелай.

Вензельсь ульсь подвижной, покаяв, шуване рябойня шамаса, конань лангса налхкозь налхксть рахай сельмонза; сон ульсь ёмляня, корхтакшу и веселай якстерьармеец, мезенкса сонь пяк кельгозь сембе боецне.

— Озада, ялгат,—полконь командирсь няфтсь сомнять лангс, стясь.—Вага мезе, ялгат. Мон решил тинь кучемс разведкас. Тейнь аф кунара азозь, што акшетне укрепляют „Н“ велеть и ёрайхть максомс тейнек бой. Вов. Тинь мольхтяда кафоненть и содасасть акшетнень вийсон, синь кальдявста укрепленной вастсон, а станя жа вооружениясон и расположениясон. Старшайкс ули —Крабов. Шарьхкодесть?

— Шарьхкодескь, командир ялгась.

— А тyani аноклада тумс,—мярьгсь командирсь и варжакстсь стенаса яккай „ходикнень“ лангс, прибавазе:— вете минутада меле уледа анокт!

— Ули! вете минутада меле!—фкя вайгальса отвечасть кеняртф якстерьармеецне.

Лисемок шрать вакста, командирсь кемоста люпштазень якстерьармеецнень кядьсон, мярьгсь: надиян, ялгат, што тя—аф мекольдень васьфтемась мархтонт.

Ястерьармеецне, получандамок револьверхт и гранатат, лиссть и тусть квартирасон шири. Сон штабть эзда ащесь аф ичкозе. Квартираса оду, сяда лац щазь кямосон, толть каршеса проверязь револьверсон, лиссть ушу.

Тяса синь учезень якстерьармеец—дозорнай.

— Ну, срхкатама?—максомок нокта вядьмотнень разведчикненьди, кизефтезе ластя ащи дозорнайсь, конанди мярькф, штоба синь лихтелезень посттень и дозорхнень пачк.

— Минь аноктама,—кафтокснень инкса отвечасть Крабов.

Срхкасть. Весь ульсь шобда и сетьме. Велесь удось спокойнай удомаса, кодамса утцекшнихть аныцек кувать аф удомда меле. Велеть омба песа увазевсь пине. Алашатне мольсть ровна, тонатф аськолмаса. Етамок веле пева, коса ульсть лама садт, яфодсь кельме кожфть мархта танцти марень и вишнянь шине. Лисемок велеть, алашатне ушедсть молема лугава. Лугась сяда цебярьгафнезе синь цельсонды молемать; лугава молемста аф сяшкава марявсь алашатнень копытасон шумсна. Мзярда кадозь велеть километрашка фталу, Крабов варжакстсь перьф пяльге: пингсь ульсь машты ков и ковсь изь няев. Менельть валдопнезь туцяса апак кяштть тяшттне. Кожфсь ульсь кельме, кона бодрайгафнезень молемасон. Крабов пяхксе мяштть тарксезе ваймонц кожфса, кона ульсь пяхксе киза пингонь ароматта.

Ичкозде, фталу катф велеса кукурясь

атекш и мельганза ушедтсь кукура-
ма велень сембе атекшне.

„Пяле ве“,—думандась Крабов.

Лихтемок дозорхнень и посттнень
пачк разведчикнень, азондомок везде
пропускть, дозорнайсь пашкодезе зада-
ниянц и мрдась меки.

— Тяни ватт кафтокснень мархта,
—рахазь мярьгсь Вензель.—Аф стак
корхнихть, что солдатть должен улемс
шовоньзонга сельмонза.

И арась сетьме. Аньцек сетьмоть
колсезь перьф пяльгя дяргунонь и коч-
колдыконь вайгяльхне. Дяргунть вай-
гялец ульсь коське и зрнась, кода-бта
кие лазонды шявнят. Вдрук Вензельсь,
конань слухоц ульсь сяда развитай
Крабовть коряс, саворня ивадсь:

— Крабов!

Сон шукштась Крабовти и внима-
тельна ушедсь кулхцондома, венемо-
мок ронгонц мархта инголи:

— Вайгяльхть!

Действительна, синь эздост аф ичкозе
марявсь алашань пильгонь топот.

— Акша разъезд,—ётась Крабовть
прява. Сон саворня пурдазе Вензельть
шири алашанц и стане жа саворня
мярьгсь:

— Пурдак шумфтома бокти.

Пурдамок види шири, Крабов ко-
мотсь алашанц лангста и кундазе сонь
нярьда. Алашась кеподезень пилензон,
шарфтозе прянц и варжакстсь топотть
шири. Но аф ламос кулхцондомок,
нолдазень пилензон.

Алашань копытань топотсь эрь ми-
нутаня тушендсь голь сяда ичкизи и
тоса ёфсикс лоткась марявомда.

— Аф ичкизе велесь! — комотемок
алашанц лангс мярьгсь Вензель и кода
бта подтвердиндамок сонь валонзон, аф
ичкизде, кержи ширеста, увазевсь пине.

Ушедсь саворня кепсема зарясь. Гори-
зонтсь ульсь якстерь, кода бта ичкизе,
светть крайса крвязькшнесь гигантскяй
костер.

Етасть ряцок молезь пяле километ-
рашка, Вензель приметазе велеть, салава
мярьгсь:

— Крабов, вона велесь няеви.

Крабов кеподезе прянц и варжакстсь
инголи, велеть лангс. Велесь тейнза ня-
евсь уле, эрь минутаня тустоми туманть
эзда.

Крабов шарфтсь ялганцты:

— Ну, Ваня, куваня велети суватама,—
мярьгсь сон.

Вензель варжакстсь велеть лангс, кан-
дозе варжафксонц велеть пега ётай
ульцять лангс и мярьгсь:

— Тов, пожалуй, ся ульцяти пурдак.
Велесь стьякшнесь! Сон пашксель атек-
шень кукурама и пинень увама вай-
гяльда.

Синь сувасть велети.

Маласа фкя кудть эзда марявсь ська-
монза кайги цилединь вайгяль.

Нолдамок алашанц сяда эрызта, Кра-
бов шарфтсь ялганцты и мярьгсь:

— Лятт эздон аф лама аськолкс, —
штоба аньцек няеволень.

Алашатне аф лама пинге мольсть то-
натф аськолмаса, но тоса Вензельть ала-
шац илядсь и тусь сяда саворня. Ульцять
эзга модемста, кона ащесь аф пяк ви-
деста, Крабов мзяршка минута тюрсь аф
спокойнай состояниять мархта. Кие со-
дасы, пади тя велеста аф сави лисемс?
Сон стакастатаргазеваймонц, варжакстсь
кафта пяли и решил модемс аньцек
инголи. „Меки,—думандась сон,—фкявок
аськолькс аш“.

Аф лама ётамок, ванондомок инголи,
сон вдрук приметазе, кода фкя кудонь
ингольде лиссь уле фигурканя и эрызста
шаштсь Крабовть шири. Крабов лоткаф-
тозе ваймонь тарксеманц.

— Лоткак! Кие?!

— Миньцень.

— Пропуск?

Крабов таргазе зепстонза тя случай-
ти аноклаф пропускть, конань максозь
штабста и венептезе часовойти.

Акшесь, аф ваномок пропускть лангс,
мярьгсь кяжиста:

— Азк?

— Граната,—комамок акшеть шири,
мярьгсь Крабов.

Акшесь аф верондазь варжакстсь Кра-
бовть лангс, кона ащесь спокойнаста и
ванць сонь лангозонза.

Акшесь кеподезень сельмонзон Кра-
бовть лангс, ётафтозе сельме варжафонц
сонь лафтуванза и приметазе, што аф
содафть отличиянь кодамовок знакоц аш.

— Эряви азомс латта,—думондась часо-
войсь и кеподезе винтовканц, штоба
максоме сигнал. Но Крабов сельмонь
апак чипорьяк ванць сонь лангозонза.
Аф нолдамок сельмонзон акшеть винто-
вканц лангста, сон вишкста комотсь алу

и часовойсь получась стама гостинец пилезонза, конань эзда охадсь акшесь и тусь кеворезь.

Крабов видимсь, сонь сельмонза пиндолгодсть, шаманц валдоптозе пеедемась: муф живой кяль.

Сонь тусазь штабу и эздонза акшетнень сембе замысласнон содасазь.

Аф азомок фкя вал, Крабов сявозе часовойть кучкада и лаподезе Вензельть алашанц лангс.

— Тон должен сонь пачфтемс штабу. А мон мзярс кирдсайне. Вензель шарькодезе. Сон валонь апак аст пезфтазень алашанц бокс шпоранзон и алашац тусь ардозь. Крабов тоже комотсь алашанц лангс, но ардозь изь ту, а варжакстсь, кафта пяли, ушедсь кулхцондома беспорядочнай ляцендематненди и макссь шпорат. Алашась эвотьфста вадезень пилензон и тусь мезе ули вийхть ардозь; а Крабов, фкя кядьсонза кирьдемок нокта вядьмотнень, омбоцеть мархта таргазе револьверонц. Сон ардсь станя, кода аньцек ардовсь алашац. Сон ётазе ся вастть, коста ульцясь тиендсь мяндема и тяста ушедсь няевома, хотя и ичкизе, велеть пец, кода вдруг инголенза туманста появась акша. Сон, няемок метеоркс арды Крабовть, лоткась, шаманц ланга ётась волна, кона няфнесь сонь эводеманд. Курокста сон кеподезе винтовканц лангозонза арды Крабовть лангс. Но сяда инголи, кода сон кенерьсь лихорадочна трнаты сурсонза полдамс спускть, Крабов целендась и ляцсь.

Акшесь тятярьгодсь и саворня, кода пиламда меле шуфта, ушедсь веляма фталу. И сяка жа пингть Крабовть алашац ульсь сатф вражескай пуляса. Алашась прась. Изь кенерь сон велямс боконц лангс, Крабов минутань аф юмафтозь таргазень стременатнень эзда пильгонзон и комотсь бокс. Варжакстомок перьф пяльгя, сон няезе, кода ульцява сонь ширезонза фкя - фкянь ётазь ардсть алашат и ласьксть ломатть.

— „Пец“ — думандась сон.

Фкя офицерсь, ардомок сембода инголе, шарфтсь прянц вельксса шашкаса и иретстонь вайгяльхть кати-мезе иватькшнесь. Крабовть сельме ванфоц лоткась сонь лангозонза, шамаванза ётась легкой цельф. Сон кеподезе кяденц. Марявсь ляцема. Офицерсь, фатя-

мок кядьсонза мяштенц, велясь алашанц лангс кунтфи, ащемок аф ламос, валом ушедсь шаштома алу.

Крабов няезе, кода ласьксть тейнза акшетне, но ласькозь изь ту, а ащесь сяка вастса и гордайста кеподемок прянц, ванць акшетнень лангс. Ванфоц сонь няфнесь аф эводема, аф растерянность, а сонь шамасонза ульсь решительность.

Сон ащесь вазьфтема, апак вельхтяк пряса. Сон ащесь акшетнень пуляснон ала. Но акшетне исть ляценде. Синь сонь, тяфтама тревогань тиить, ёразь сявомс живста.

И вов, мзярда синь ушедсть сонь перфканза пуромома, Крабов яфодсь кядьсонза, коса ульсь граната. Марявсь лопадема и сянть мельге ломанень куфцемат, ругамат и алашань цяфамат. А мзярда срадсь пульсь ушедсь няевома Крабовсь, кона ащесь станя жа стяда, кода и гранатать лопадемда инголе и ванць ранендаф и шавф акшетнень лангс, но тоса тусь ласькозь аф пяк кели куд ётконяти, кона ащесь аф ичкизе сонь эздонза, конань няезе эстакигя алашанц прамда меле, мзярда ванондсь ки, куваня можна ба улель тумс. Пачкодемок ётконяти, сон комотсь перяфть вельксса и тусь модамарень бороздатнень ёткова ласькозь.

Сон ласьксь и пильгонза тапарякшнесь тишетненди и модамарь нетьксненди. Инголе няевсь каньф.

Йотамок сонь пачканза, сонь тапарясь пильгоц и прась. Кати-мезе сязевсь сонь престонза и сонь шаракодсь прянц. Ащемок комада, сон марясь щекасонза пси, кона нярезонза шудемста арсесь кельмоста. Сон ётафтозе кяденц щекаванза и кандозе шаманцты: кядец ульсь веры.

— „Шавомс изень шавов, а осколка повсь пряти“, — эсь пачканза мярьгсь сон, думамок гранатать лопадеманд колга.

Сон стясь, эрызста сотнезе прянц и мезеньге аф шарькодезь продолжал кинц. Сон стакаста таргсезе ваймонц, сельмонзон инголе появась разнай тюсса пятнат. Ичкизи модемс сонь ашель виец. Сон тятярьгодсь и прась бороздатнень ёткс.

— „Пезе“, — думандась сон и сельгозень сельмонзон. Сонь пиленза увнасть, кода бта эздонза аф ичкизье ётасть телефонь проволкат, конатнень шерфте-

зень вармась. А тоса сон тусь шобда, жиньяфтома мирс.

Крабов юмафтозе сознаниянц...

Сась сонь йоноц якшамть ззда, кона кельмофтезе сонь види боконц, конань лангса ащесь. Панжемок сельмонзон, Крабов аф состоянися ульсь шархкодемс, коса ащи. Помещениясь, коса ащесь сон, ульсь шобда и кельме. Ащесь сонкевста, тyani Крабов шархкодсь, што удома вастоцаф мезевок иля, кода кевонь утом. Крабов стясь и, ванондомок утомть потмонц, сон лоткась кенькшть эзда лазфкять тейс, конань пачк утому сувась ши валда.

— Эх, кода аф мяль куломс!

Крабов варжакстсь лазфкять эзга ушу валдти, старандамок няемс хоть сельме уженяса модать лангса эряфть и, нийсь кенкшть каршеста постса ащи акша солдат. Няемок акшеть, сон из эводь.

„Аф, — думандась сон, — нинге тянь лангс тюремась аф лоткай, мон тяфтама уцезста эряфозень аф максима“...

Калдоргодсь кенькшень пякстамась, панжевсь кенькшсь. Крабов аськолдась аф лама аськолма утомть потмос.

Утом порогть лангса ащесь офицер и пеедсь Крабовть лангс:

— А, большевиксь стясь! но тя... лучше. Стяфтомс аф арай, — мярьгсь сон, и, кяшемок келазень пеедеманц, серьезнайста мярьгсь:

— Мярьган модемс мельган.

Изь кенерь Крабов лисемс утомста, кода бокованза арасть кафта солдатт.

Сувасть креленьця марха вете стена са кудс. Шрать ваксса ащесь коське офицер, сон ульсь очкаса, кели коня. Варжакстсь сон сувайхнень лангс прянь апак кепотть, сельме кунонзон пачк. Няемок Крабовть, сон кадозе бокс кагод пачкать, кеподезе прянц.

— А, коммунист, тюреть? — злорадна кизефтезь мярьгсь сон, — ну мезе мля...

Крабов ащесь стяда, гордайста кепотьф прят. Сон мезевок изь корхта и валфтома, видеста ванць офицерть лангс. Офицерсь тожа варжакстсь лангозонза, но, васьфтемок Крабовть презрительнайста пеедеманц, ванфонць изь кирде, нолдазень сельмонзон.

Сон, кода няевсь Крабовти, нльне якстерьгодсь.

Афлама минута арась сетьме, маря-

вихть, кода стена са ровнайста тикайхть частне.

— Ну? — марявсь офицерть вайгалец, — азк, господин большевик, кода ма цель преследовал, самок тяза.

Крабов изь пшкядь.

— Может тон шомпол ала тонадоть корхтама.

Крабов крвязсь.

— Тинь шомпол вельде и эрягда, — пеень пачк мярьгсь сон.

— Мезе? — офицерсь стясь.

— Кулхцонт, господин офицер, аф кургсот, а пилесот.

Тя ульсь сатомшка сянди, штоба лихтемс эсь прянь кельги офицерть эсь эздонза.

— Молчать, сволочь! — ивадсь офицерсь.

— Ну, ладна, — спокойнаста пшкядсь Крабов.

— Мон молчать, тон — орать!

— Сотнемс! — яфиямок револьверон мархта иватькшнесь офицерсь, — Сотнесть... шомполса!

Крабовть фатязь конвойнайза кядьта и сявозь. Сонь лихтезь дворть кучкав и лоткафтозь скомнать ваксс, кона ащесь кудематнень песа. Кафта акшет ушедсть каяфтома сонь лангстонза шамонзон.

— Зверхть ломанень образса! — пшкядсь Крабов.

Акшетне кундасть Крабовти, штоба сонь вихца сотнемс скомнати, но Крабов синь ряфцедезень кядсонза.

Шомполсь, вяшкось керемок кожфть, пяк маряйста шлепадезе Крабовть копорьти. Крабов нотфтась теланц мархта и, аф азомок фкявок вал мчкоргофтозень пейнзон. Эрь вачкодемаь эзда сон мянцевсь ронгонц мархта, но пикскятне кемоста кирдезь сонь.

Лама веронь юмафтомаь, нервной системань потрясениясь и кайсематне тиезь эсь тевсон. Сон кода онстонза марязень шомполхнень шлепиемаснон и думандась, што вага, мзяршка минутта меле, может самс смерть.

Сон сувась шобдас...

Сон аф содасы, мзяра ащесь апак мяляфтт, но сонь йожец сась мянь меле и марясь вельксонза корхтайхть. Сон панжезень сельмонзон и ушедсь ванондома перьфпяльге, ащемок апак шерьхк. Сон васенда изезе шархкодь коса ащи.

Но тоса, велямок копоренц лангс, сон марясь пяк маряй сярядема.

Сон варжакстсь. Велькссонза ащесь не-сколька акша солдат и кажнайсь, офицерда башка, ужалъдэзь ванць лангзонза. Синь ащесь Крабовть вельксса, валондозь кельме ведьса.

Пингсь ульсь иляденди. Заметть пачк юрхту сувсесь горизонтть фталу валги шить лучанза.

Офицерсь лиссь куцематнень лангс.

— Господин полковниксь мярьгсь сонь сувафтомда куду,—няфтсь сон Крабовть лангс сурса.—Сонць тии допрос.

„Нижний читтне“ стяфтозь Крабовть.

А мзярда акшетне ёразь шафтомс сонь лангзонза щамонзон, сон, аф ваномок маряй сярятксть лангс, тянь тиезе сонць. Копорец сонь палсь, кода тол пицезе. Синь сувасть куду. Сяка штабнойсь, очкасоь, кеподезе прянц каготтнень ззда и варжакстсь Крабовть лангс.

Крабовсь изь ащевпильге лангса, но сонь путомок мекольдень виенц, отказась солдаттненди, конат ёрасть сонь кирдемс прамать эзда.

— Ну, тон, кажется, долячень аф корх-таманкса получил?—марясь Крабов рахай вайгяль. Сон варжакстсь. Очкаса офицерть ваксса ащесь сери, ширем козя, алу мянтъф орелонь кондыма шалхкса офицер. Няемок сонь, Крабовть шамац арась сенемста, кяжть эзда трнасть губанза. Сонь инголенза ащесь палац, настоящей палац, лама рабочаень ляци.

Крабовсь кода туманонь пачк приметась палацть ингольде лимонка граната. Крабов сельмонь апак чипоряк ванць сонь лангзонза.

— Господин большевиксь, никак, кяленц юмафтозе?—марясь кизефкс.

— Зверьхть!—пеень пачк мярьгсь Крабов.—Сембе народсь аф ляцендеви! Аф! Аф ичкозе ся пингсь, мзярда теейтть вастовок аф ули мастортъ лангса!

— Ха-ха-ха, нолдасть, господат!—ивадсь полковниксь Крабовть ваксса ащи солдаттненди,—кадость, разветинь аф няйсасть, што сон хочет ораторствовать!

„Тейтькя аф лама рахсемс илядсь“,—думандась Крабов.

Хлопадсь кенькшсь, куду ласькозь сувась кода пляс, эвотъф унтер-офицер:

— Господин полковник!—кожфсь тейнза изь сатне и сон лоткась, штоба таргамс ваймонц.—Як... якст...

Полковниксь варжакстсь сонь лангзонза и ся пингть, мзярда сон стясь, ивадсь: „Ну, корхтак скорей!“ Крабов, путомок мекольдень виенц, аськолдась полковникть шранцты и, фатямок лимонка гранатать, ёрдазе тияксть лангс.

Марясь оцю лопадема, мельганза цингоргодсть вальмянъ гляньцне. И сяка жа пингть якстерьхне, аф васьфтемок акшетнень ширде сопротивления, сувасть велети.

Сембодонга инголе ардсь Крабовть маластонь ялгац—Вензельсь, конань мяштсьа, кода кинь няфти тяште палсь якстерь бант.

Тундань илядь

А. Малькин.

Ковнясь валдса валонды
Марлюфнень, исатнень;
Летьке вармась валомня
Шяярязост фатнесь;
Коста станя зойнязевсь
Одонь морось куроқ,
Тя веселай мороти
Лама ломань пуромсь.
Илядсь тяфта живолгодсь
Паксянь тежда меле,
Тяфта моразь пееди
И колхознай велесь.
Тяфта стирьхне, цёратне
Зойняфтсть одонь морогь,
Панжи эряфть морасазь,
Паксянь козя сьороть.
Качафтсть панчфонь шинеса
Велестонок садтне,
Ковнясь валондсь пряяснон
Марлюфнень, исатнень.

В Е

Ив. Пузаков.

1919 кизось. Уральскый поздна съок-
сень оржа вармась пидезь пидесы ша-
мацень.

Петровскый станицаса красноар-
мейскый ротась аноклась маршс. Ро-
татъ командироц Храмов куць нурдти,
варжакстсь сьормав масса боецнень
лангс и кармась мезень-бди вешендема
полевой сумкастонза. Сембе шарьх-
кодсть, што командирсь йорай мезе-
бди азомс.

Храмов корхнекшнелъ нюръхкянъста,
проста. Корхтамста обязательна валх-
некшнелъхце вазенц и сяка тевсь суде-
рялъхценъ афламода седойготф шы-
ярензон.

— Ялгат!—кайгозевсь уверенной вай-
гялец.—Мон получанданъ приказ минь
полконъконъ командиронц эзда, конанъ
эса корхтави, што тейнек эряви мумс
контрреволюциять базац. А стак тей-
нек кальдявть эзда аш кода тумс.

Толпась сетъмось, синь учезь мезе
азонды сяда тов командирсь.

— Тя станицать эзда тумостонза та-
паф белоказацкый отрядть лядыксоц
прдась станицать эса уликс контррево-
люционной элементтнень шири оружи-
янь склад. А тя нечистть задачац—вач-
кодемс минь тылста. Пролетарскый
революциясь путни почетнай задача—
сяземс тя районть эса белоказацкый
контрреволюциять лядыкс виензон.
Сяда башка, минь кржа лядонды бое-
припасонъке, аф сатни оружияньке.
Мумс тя складть и вооружиться. Вага
боевой задания тя вети.

* * *

Мзярда кадондозе белоказацкый от-
рядсь Петровскый станицать, организо-
вандась шайка, конанди руководи-
телькс путсь сире казакть, бывшай
есаульть Титовонъ. Титовонди максфоль

задания, штоба оружиать тевс нол-
дамс краснайхнень тылса или воору-
жандамс лия белоказацкый отряд, ко-
нац учсевсь сама юговосток ширде
степановскый районцта. Кулацкый эле-
менттне анокласть эсь йотксост коман-
дирхт, путнестъ везде ломатть, конат
пачфнелезь краснайхнень сембе мяль-
снон и эрь аськолмаснон. Сияк учсть
ся отрядть, конац должен курок самс.
Но ушеткшни ни шоподема, а учсеви
отрядть колга мезевок аф кулеви.

Храмовонъ ротац шоподеманы шов-
вор срхкась Петровскый станицаста
и мольсь меки ся велети, коса бой
мархта ульсь исяк. Тянь содазе Титов
и сонъ сембе маластонъ ломаненза. Ти-
тов содазе, што тевть сяда тов кадон-
домац сязьсыне сембе арьсеф планц-
нон, кодамовок пользанъ апак тик контр-
революционной казачай войскатенди.
Сон решил, што эрявихть примамс ме-
рат степановскый отрядть курокона ту-
манц инкса, и сьормады: „Минцонк—
краснайхне. Дисциплина йотксост аш.
Оружиясна станяжа пцтай аш. Синць си-
зефт. Минь ули оружияньке, конанъ
ванфцаськ тейнтъ. Эряскодода самс.
Бывшай есаульсь Титов“. Титов ашезе
сотце ваймамать, аф ветъ, аф шить.
Сотозе руцяня потмос тя сьорманц и
максозе алне-эчке казакти Андреенди
и пилезонза строгайста тошказь мя-
рьгсь:

— Архт Степановскыйть шири и
макск тя сьормать казачай отрядть
начальниконцты. Аньцек варжак, улест
пилетне и сельмотне, а кяльценъ кир-
тък кода можна сяда фтала.

* * *

Храмовонъ ротасонза мольсь анок-
лама од бойхненди, сяс мес содавсь,
што афкуск учсеви сама од белоказац-
кый отряд, конац веши шоворемс ся от

рядть мархта, конань ингольдень шит-
нень тапазе ударнай ротась.

Пятистеннай кудть ингольдень пяле-
сонза фонарь потмоса палы аф оцю
коптилканя, конань кифтолды толонц
эзда ломаттнень цельфсна комотнихть
то поталакти, то вачкодихть пенакуд-
ти. Ужеса ащи кроватть лангс озафт
взводонь кафта командирхт, конат
учихть приказаният ротань командирть
эзда. Порогть ваксса, винтовканц ланг-
с нежетьфста, ащи посыльнайсь.

— Опасностсь касы эрь минутас! —
пшкядсь Храмов картать вельксста
прянци кеподемок. — Фкя пяльде Петро-
вскяй козятнень бандасна, омбоце пя-
льде свежай белоказацкяй отрядсь.
Главнайсь — эряви ротась вооружан-
дамс и вешемс ки полктъ мархта шо-
вореманди. Тосонга тевсь аф йофси
моли. Полксъ, корхтайхть, канды пора-
женият: аф сатни оружиясь и боепри-
пасне! — кяжень пачк азозень меколь-
день валхнень сяшкава, нльня фо-
нартъ потмоса толнясь юполгодозевсь.

— Мезе аф тиёмс, а оружиянь
складсь эряви тяникигя мумс. Петро-
вскяи кучемс отряд цьоратнень эзда
колмоньгемоньчка ломаньцта, щамс
синь станичнай казаконь щамса и катк
молихть тов, азыхть пря головной
отрятокс ся учсеви белоказацкяй бан-
дати и катк вешсазь ся прдаф оружиять.
Отрядти командиркс улят тон, Горин.

Кодак кенерсь Храмов мекпяльдень
валонц мярьгома, кенкштъ эзга часо-
войсь инголенза толхкадсь аф сери
эчке казак.

— Вага, Храмов ялгась. Лоткафтыне
площадть эса, церькавть ваксса. Коса,
корхтай, отрядть штабоц, теень эряви
няемс командирть. — Вага тейть коман-
дирсь, — сонць сурсонза няфтсь Храмо-
вонь шири.

Казаксь мезенге апак корхтак таргась
повпяльденза руцянять потмоста аф
оцю каготкя и венептезе Храмовонди.

— На морафтк. Мезе аф шарьхкодят,
мон азса тяфтак.

Храмов орадозе Титовонь съоманянци
и эстакиге прокс и яснайста шарьхкоде-
зе положениять сядынгольдень и арьсеф
планонц кондястиксшинц.

— Тон повоть аф тоза, коза кучфат,
— пшкядсь командирсь.

— Мон повонь тоза, коза монць

йорань, но аф тоза, коза кучфан.
Сире есаулсь макссь теень поручения
— мумс коста-аф-коста Степанов-
скяй отрядть и азомс марнек тевть,
а васендакигя эряскофтомс самаснон.
Оружиянь складснон приблизительно
мон содаса, хотя точна вастоцаф азон-
дови.

— Мезе тонь кошардонзе тончень
азорхненди изменань тиема? — кизеф-
тезе командирсь, сонць шрати нервнай-
ста покорфты суронзон.

— Азса видеста. Васенда срхксень то-
за, коза кучфан. Но лацкас думандань
и лядсть мялезон сембе аерксне, конат-
нень получандакшнине Титовонь пеле
работникокс эрямстон. Сяда башка, аля-
зе воявась краснайхнень ширеса и ша-
возь вага тяфтама Титофне. Эсь пиль-
гоне ашестъ кулхцонда ся пяли тумс, ма-
штсь эрьгязе, а седиезе крвьязсь нена-
вистьса кровопиец козятнень лангс.
Тяни шарьхкодине аньцек, што монь
вастозе тонь отрядсот и ащан марнек
тонь распоряжениясот. — Андрей
ушедсь корхтама валомня и пелезь,
а ков сяда тов корхтась, тов сяда
кайгозь вииясь вайгялец.

— Пец! Тейнь арам, монь шарьхкоде-
масть и кда мусастъ эрявиксонди при-
мамс монь седигя надьяфтомазень, то
мон посаблян советскяй властть кемок-
стаманцты.

Кудть эса аш кашт моли. Храмов
ащесь кенерьбакарензон вельде нежеть-
фста картать вельксса и думандакшне-
зень казакть валонзон видешиснон.
Кеподезе прянци и сельмонзон мархта
няфтсь казакть лангс и Панфилов, обы-
сконь тиёмда меле, казакть сявозе под
конвой.

Аф ламос ащемда меле комнатати су-
вась 50-чка кизоса ава и кизефни глав-
найть. Нежедсь командирти.

— Тон главнайсь?

— Мон. А мезе тейть эряви?

— Мон сань азома, штоба тон тяста ся-
волить эсь солдаттнень. Шафтядязь.
Монь мирдезень тяфта жа шавозь. Ча-
стьстост ашезь мянев фкявок ломань.
Сембонь керсезь да наругакшнестъ ланг-
сост. Вага тянинге улихть кулят, што
товола, вирть эса, исяконь отрядти сась
коста-бди тага отряд и аноклайхть са-
томс тинь удома васту. Грехти моньге
цьоразе йотксост.

— Кие и кода лемоц тонь цьорацень?

— Лемоц Андрей, Косин.

Сембе шарькодезь, што казаксь, кона сась белайхнень лагерьста, тя авать цьорац, и азф кулятнень эса лама видеда.

Норавакшнемс ашель кода и эрь минутась пяк питниель.

— Горин, тяникигя Петровскяи и действондак лемфтема отрядть лемста—эряви оружиясь. Эрямс или смерть! Вага кода ащи тевсь, — клокса вачкодезе шрать ротань командирсь.

Несколько минутада меле отрядсь срхкась Петровскяи и пяле частта меле тосоль. Титовонь часовойнза шовдать пачк няйсть ластя сай отряд и фкя-фкянь йотазь ласьксть азондома сире есаулти, што спасительхне сайхть и эрявихть цебярьняста васьфтемс. Горин ардсь Титовонь кудонц инголи, валгсь ластяста. Каршезонза лиссь алняэчке пеке атяня, вазьфтема.

— Мон степановскяй отрядть головной отрядонц командироцан и сань тейнтъ лезксонкса. Дайте оружиянтень и комозьшка алаша седла мархта. Аф сатнихть алашане.

— Тя сембось ули, да сувалеть куду, эжелеть.

— Тейнек эрь минутась питни. Дайте оружиять и алашат.

Атясь эряскоткшнезь пуроптозень ломанензон. Баняц вакста ловть алда кармасть ящиконь лихнема, нурдтненди грузяма. Кемгафксува пулемет, комсь ящикт боеприпас мархта, кафта сятт вехкса винтовкат.

* * *

Храмовонди сувась боецнень эзда фкясь Синегубов и рапортовандай: мунь колмоньгемонь винтовка и фкя пулемет. Патроттнень ашине лув, но лама.

— Коста муйть?

— Тя велеса монашкань кудбряста. Азондозе тястонь учитель. Коза тиемат муфксне?

Командирсь ашезь кенерь отвечаемс Синегубовонди, кода сувась Горин.

— Заданиять тиеськ, Храмов ялгай. Оружиясь муф и вятеме 32 алашат седла мархта. Муме лама боеприпастка.

Кафта сятт вехкса винтовкат, кемгафксува пулемет и комсь ящикт патрон.

— Стало быть, кафта сятт колмаге-

монь вехкса винтовкат, кевехксые пулемет. Кадомс эсь ротазнок сембонь эзда сняра, мзяра эрявксты тя бандать машфтомс, а лядыть прважамс полку няка жа улафнень мархта и тяникигя. Мархтост архт тонць и ватт кафцьке сельмосот. Пачкодят тов, азк сембе положениять, конань эса ащи минь ротаньке. Монь улихть сведенияне, што Степановскяй отрядсь шоворсь тапаф отрядть лядыксонзон мархта. Сембоц пуромкшни 250—300 всадник и мон думандан, шовдавать самс нингя прибавай. А шовдава рана эряви учемс тихтедихть тяза, сяс мес синь планцна—сатомс минь удозь. Сяс, кда удачна пачкодеват тов, старандак курокопя мрдамс и цьоратнень эзда тозк тят кад кингя. Мьяляфк, што тейнек, сизефненди, сави тюремс свежай вийнь каршес. Пуромкшнихть синь вага тя вирь пулоти. Конешна, минь велеть эзда аф листьяма и эрь кудсь эряви тиёмс вии крепостенди. Активной контрреволюциять цьоратне изолировандазь, а шпиотт нинге могут улемс. Тянь лувк и маштт велеть эзда лисема. Архт.

Несколько минутада меле велесь бта кулось, аныцек шуроода марявьсь гайнефнема, кода морозти лопиихть шуфтонь постройкатне. Коса-бди паразевсь тракс, кафксть-колмоксть гафкстась пине и тага сетьмось.

Храмов эсь командиронзон мархта эряскодомбачк арьсезь положиять и тисть план, штоба противникть главнай вийнзон аф нолдамс вирть эзда лисемонга.

— Вирти моли кить кафта ширева кустарникть потмос арайхть кафта вастс пулеметт и сембе тактикась должен улемс засаднай метоттнень коряс, сяс мес открытай тюремаса сизефненди свежа вийхнень каршес аф сидеста удалакшни васеннетненди.

Тяфта и явозень эсь вийнзон Храмов.

Пялеведа меле част. Аш кашт моли. Сувась дозорнайсь доклад мархта, што костонга мезевок аф маряви и велеть эсонга тишина и мезевок аш.

Кафта частт. Сякокс сетьме и аш кашт моли.

Аф ламос ашезь штабти вятсть од цьора казак, щаф тулупса и карксаф кушакса, сонць сидеста ваймонц тарк-

сесы и эняльди кафта вятиенз онды.

— Кие тя?—кизэфтезень боецнень Храмов.

— Меленцяв срхкась, а нурдозонза марафт кафкса кескафт пинем. Мезенди яжафтсыне пинепнень?—корхтай сяка велестонь казаксь, конац Храмовонь ротаса служай йот нинге кода Храмов примазе ротать лангса командованиять.—Да и срхкась аф выгоднай кигя; меленцяв тя велестаяксихть Петровския, колма вайгяльбет, а сон кеподсь модемс 14 вайгяльбе васта, вирть омбокс. Тоса, корхтай, сяда цебярста яжай меленцясь. Содасаськ мес сяда цебярста! Тя церьковнай старостать цьорац, аляц товола...

— Каяфтость тулупонц, вешесть перьфонц.

Юксозе цьорась кушаконц и бот прась повпьяльденза револьвер.

— Тянь мон веть якамста голь мархтон каннеса... Врьгазда пелеманкса,—пшкядсь цьорась.

Вальмять алга марявсь ардома алаша и марявсь кода йордась пря алашать лангста ластясь. Секундада—кафтта меле кенкштэ эзга лякозь сувась пулеметнай засадать эзда фкя боец и азозе, што вирь пулось, коста учсеви противниксь, эреклась, марявсь фкя выстрел, но шовдать мархта мезевок ашезь няев.

Нилешка част шовдава шири. Вирть вельксса кеподсь уроштф бока ковсь. Варма аш, но менельть эзга шуродалийкстай дуця пакшне, конат корхтайхть варьхмодемста вармань срхкамать колга. Вирь трвась ушедсь пцтай лацняевома, но ломатть или шуфта юрнят — тя аф шарьхкодеви. Няевсь, кода вирть эзда лиссть кафта равжа пакшкат и ков сяда малав нежедсть, тов сяда шарьхкодевсть кафта ластятне.

Синегубов пулеметть эзда аф сявондсы кяденц. Штукарев вакссонза ащи и тошказь азонкшнесы йотай пингонь эряфонц и куду лятф семьянц. Марясазь ни кода покордыхть алашатнень пильксна. Вага пачкодсть каршезост. Ластятне весть-аф-весть мезе-бди эсь йотковаст сетьмоняста корхтайхть, но валсна аф шарьхкодевихть.

— Лоткафцаськ,—пшкядсь Штукарев.

— Аф эряви. Тянь мархта васендакигя

минь азсаськ эсьпряньконь. Синь мельгаст афламос ашезь эрявихть учемс противникть главнай вийнза. Нят всякайксулихть минь кядьсонк: велети сувамста цьоратне сяка валхтсазь алашаснон лангста.

Сембе засадатне нолдазь нят кафта ластятнень мянь велети и тоса афкукс валхтозь алашаснон лангста.

Афлама пингонь йотазь ушедсь валдашкодома. Вирь пулоть эзда кить эзга лиссь белоказацкяй отрядсь колмошка сяда всадникста и арды крупной рысьса.

Васендакигя корхтазевсь Синегубовонь пулеметоц, меле Пастуховонь, тоса колмоцесь, нилецесь... Ружьяса ляцихть сяда товолда: Врагть рядонза шорявсть, кеподсь паника. Азорфтома алашатне ардыхть и сей и тов. Алашафтома азорхне ласькихть меки. Бандась потась меки вирь крайти. Но афлама пингта меле тага тусь атакассянь думандазь, што краснайхнень боеприпасна тя васень псить мархта аделавсь. Но как раз тя пингти Храмовонь главнай резервац мольсь ни врагть мельгя панема и васедсть йофси вирть ала.

Цятордсть пулеметтне, винтовкатне, сязендевсть гранаттне. Увнась вирсь.

Синегубов кяженьбачк ивади:

— Храмов ялгай, пулеметозе лоткась работамда.

Храмов ардсь Синегубовонди. Ваксозост коста бди тихтедсь Куликов, конац ащи пекедь лангса мадозь, но афляценди. Синегубов шарфтсь ширезонза и йорась мезе-бди мярьгомс, но сяпингть гайнефтсь винтовкась и прась алашанц лангста страхонь афсодай командирсь Храмов. Ламос апак думандакшнек Синегубов сьлгозе штыкса бывшай белой офицерть Куликовонь и мезе ули виец ивадсь ротати:

— Вперед! Атакас!

Синегубов ардомбачк няезе Горинонь и кафтошка боец сят цьоратнень эзда, конат сонь мархтонза якасть полку боеприпасонь ускома. Каршезонза арды оцю уса казак и клиноконц кирдсы венептьф кядьса алашанц прядонза инголе. Мьяфтсы кода револьверса ляцезе оцю усать, но эстакиге прянц валозь бта лакай ведьса, крьвязсь сембе светсь, шополгодсть сельмонза и тусь пильгалдонза масторсь.

* * *

Колмоце шиня, кода сась йожец, тейнза азондозь сядя тьождяста ранендаф ялганза, што ся белоказацкяй отрядсь машфтф фкя ломанень пес и полксь ня мекпяльдень шитнень сатсь оцю успехт, эрь шис прибавави одс сай доброволецса и тyani мольфти вию операцият.

Бандать лядыксонзон тапазень ротась Горинонь командованиянц ала.

Полконь командирсь Харитонов макссь приказ полкть эзга, конань кандозь Храмовонди больницяв.

„Азондан седиваксонь благодарность отдельнай ударнай ротань командирти и сонь храбрай боецонзонды полкти оружиань пачфтеманкса. Тя макссь полкти возможность противникть глав-

най вийнзон тапамс. Мольхтяма сядя тов ся бандать лангс, конац тиенди тейнтъ угроза“.

Храмов пеедзевсь и приказть максомста мярьгсь Горинонди:

— Пачфтесть командирти, што тейнек уликс угрожать машфтоськ минць и примак мерат ротать полкть мархта шовордаманцты. Трофеятнень сейчаскиге ускомс полковой интендатствав.

* * *

Омбоце кизоня тунда Синегубов Храмовонь васьфтезе машина кинь фкя станцияса. Стакаста ранендамда меле бывшай отважной командирсь ламос сярядсь и пчкамдонза меле партиясь кучезе ответственной хозяйственной работас.

СИРЕ ДАЧАСА

СКЕТЧ

Я. ЯЛУНЕР

НАЛХКИ ЛОМАТТНЕ:

АВА

АЛЕ

Оцю, пцтай пуста комната. Аньцен сире диван, простой моркш и нафта стулхт. Ствнать эзда обойхне лама вастста сязеньфт, но синь лангсост повфтафт кинь-бди портретонза. Комнатась тивнди запущенность влечатленият. Вальмять ала сад.

Сьоксв. Шоподемань шовор.

Сувай алясь. Нядьсонза портфель.

АЛЯСЬ (сувай, ванонды перьфпяльге).
Кодама страннай кудсь... Аш фкявок живой вайме, а кенькшне панжадот. Нингя весть сембонь проверясайне. (Таргась сьорма, лувсы) „Проектнай отделонь заведываюжайти Андреев инженерти. Тонь тядяце серьезнайста сяряткстсь. Мон сонь маластонь знакомайцан и сань сей тев меле. Кда йорат содамс подробносттнень—сак тячи. Сак видеста службама вастста. Сяда поздна рисковандат монь аф сатомс“. И подписсь и адресскя тя...и кивок аш...

АВАСЬ (вдруг вишкста сувай). Тя тон?

АЛЯСЬ (резкайста шаркстсь). Совершенно виде...Тя—мон...

АВАСЬ. Тон сать?

АЛЯСЬ. Конашкава мон шарьхкодса—да...Улема, сань...

АВАСЬ (неездезь). Простиндамак, мон глупосттькорхтан... Вдруг, няемок тонь, мон абондонь неожиданность эзда.

АЛЯСЬ. Кенькшне ульсть панчфт инжиень примаикс...

АВАСЬ. О, тьса аш мезе ни ванф-

томс. Тя кудть эса мондедон башка кивок аф эряй. Тя монь ялганень собственной дачнай особняксна. Но сьоксе ни, и синь кадозь пригородть.

АЛЯСЬ. А тон?

АВАСЬ. Гостиницатне пшксет. Мон эстейнь изень сата номер. Эста, ялгане монь временно путомазь тязя.

АЛЯСЬ. Шарьхкодса.

АВАСЬ. Ну, шумбрат... Андреев инженер.

АЛЯСЬ. Ну, шумбрат... Анна Бертольдовна. Мон правильнайста лувине тонь подписценъ?

АВАСЬ. Правильнайста.

АЛЯСЬ. Мес тон тьяфта внимательнайста ванондсамак?

АВАСЬ. Сяс, мес йораса лацкас ваномс, кодама монь подругазень цьорац.

АЛЯСЬ (нейдезь). Ну, и кодамокс тон мушендсак?

АВАСЬ. Аф кальдяв. Пяк аф кальдяв...

АЛЯСЬ. Спасибо тейть тянкса...

АВАСЬ. Тон, наверна, пользовандат аватнень инголе пляс сатфксса... Простиндамак, мон нльня изихтень озафта.

АЛЯСЬ (озай диванть лангс). Благодарю. Мезе тядязень мархта тиевсь?

АВАСЬ. Мезевок аш страшной. Тьождя плеврит.

АЛЯСЬ. Сон тейнь сьормадсь, што цютькяня простудиндавсь.

АВАСЬ. Изень йора тонь растроендамс. Впрочем, сембе ни аделавицебярста.

АЛЯСЬ. Тинь сонь мархтонза сидеста няинтяда?

АВАСЬ. Минь—разнай профессиянь ломаттяма: сон—врач, а мон—актерсан, но мекольдень пингть эзда минь кемоста ялгатама. Тк вов, значит, тон кодамат.

АЛЯСЬ. Кодаман?

АВАСЬ. Тяфтамат...цебярят...Вполне удовлетворительнаят... Андреев, знаменитай инженерат—стама самолетонь конструкторат, конат, лиендемок сембе мирть, кандсазь минь мастороньконь славанц.

АЛЯСЬ. Кодама кенярдезь тон тянь азыть.

АВАСЬ. Простиндамак... Мон вообще аф ламода экзальтированнаян ломанць. Улихть вещат, конат монь вятьсамазь аф кирдемшка кенярдемас.

АЛЯСЬ. Тя пяк пара. Эряфть эса стоит кенярькшнемс, и ули мезьлангс кенярькшнемс.

АВАСЬ. Тон тяза сать видеста служама вастста? Нльня изеть сувсе кудуга?

АЛЯСЬ. Да...няйсак,—нльня портфель мархта. Мон эряскадонь тонь са томс...

АВАСЬ. Тон тяфтама нежнойцьорат. Тя тейть тиенди честь. (*Озась ваксонза*). Ну, вов минь и знакомондаме.

АЛЯСЬ. Ну, вов минь и знакомондаме...

АВАСЬ. Мезе тонь зепсот тяфтама пайготьфсь? Бта револьвер?

АЛЯСЬ. Самай сон.

АВАСЬ. Тон якат револьвер мархта? Мес?

АЛЯСЬ. Мон работан секретнай отделса, Анна Бертольдозна. Тейнь сидеста сашендовиканнемс документ мархта портфель. Кржа ли мезе может улемс... На всякий случай сяват оружия.

АВАСЬ. Тонь мархтот тянингя секретнай документт?

АЛЯСЬ. Тянингя.

АВАСЬ (*курокста рахазеви*). Содасак, кодама мяль прязон эвондась?

АЛЯСЬ. Кодама?

АВАСЬ. Совершенно колендемань.

Тейнь вдруг мес бди сась мяль тонь паламс.

АЛЯСЬ Паламс?

АВАСЬ. Да. Тон пяк туть монь мялезон. Тонь обаятельной пеедемаце.

АЛЯСЬ (*смущеннаяста*). Аф содаса и мезе отвецамс...

АВАСЬ. О, тон тят думанда, што мон сирян ни. Мон нингя аф стама сирян, кода тейть няеви. А тон, наверна, пяк избалованнаят. Аватне тонь, пади, каннетядязь кядьснон лангса?

АЛЯСЬ. Мон пяк стакан, Анна Бертольдозна.

АВАСЬ. О, тяди синь вийсна саты. Синь содасазь сембе спосопнень, кода тянь тиемс, улеза алясь хоть слононь сталмоса. Мезе-мезе, а тянь синь маштсазь.

АЛЯСЬ. Минь аваньке нингя лама лиятка маштыхть тиемс, Анна Бертольдозна.

АВАСЬ. Аф, тон замечательнаят... Тонь эсот мезе-бди тяфтама ули. Кодама бди изюмня.

АЛЯСЬ. Тейнь, правда, аф ловка...

АВАСЬ. Тясатяфтама обстановкась...загороднай особняк...Сетьме...Тя сьоксесь вальмятнень ала...Невольна сайхть апак учсек мяльхть и желаният...Тонь револьверце зарядиндаф?

АЛЯСЬ. Шарьхкотьф. Мес тонь тя интересует?

АВАСЬ. Проста тяфтак. Мон арьсян кода тон аф пелят зепсот зарядиндаф револьверть каннеманц? Вдь может ли семс несчастнай случай.

АЛЯСЬ. Мон пяк осторожнаян, Анна Бертольдозна.

АВАСЬ. Простиндамак, ня кизефкснень эса мон тяфтама аф опытнаян и, страшна пелян.

АЛЯСЬ (*пеедезь*). Тят пель. Револьверсь эсезонза аф ляци. (*Таргазе револьверть, кирдьсы сонь кядьсонза*).

АВАСЬ. Ой, киртьк эздодон сяда ичкизе! Мон кода эрян вестенгя кядьсон изень кирде настоящей оружия.

АЛЯСЬ. Кодама оружия?

АВАСЬ. Аш кодамовок. Аньцек театральнай, бутофорскаяй. Хотя тyani тя тяфта моднай. Сембе аватне маштыхть ляцема.

АЛЯСЬ. Тя аф аньцек моднай, тя —необходимай.

АВАСЬ. Ну, эста няфтьк тейнь револьверть. Макск тейнь сонь хоть кядьсон кирдемс.

АЛЯСЬ. С удовольствием. Интересна няемс, кода аф опытной ломаттне васенькигя кядезост сясвась оружиять.

АВАСЬ. Тя улема пяк смешной... А сядя пяк мзярда сясвасы пели ломанць. Кодама тонь системаса сон?

АЛЯСЬ. Браунинг. Пожалуйста. (Максы револьверть). Аньцек стволть мархта дулать тять шоря.

АВАСЬ (аф решительнайста сясвасы револьверть). Пелькс... (Нюръхкяня паузая. Вдруг сон курокста стясь. Корхтай резкайста). А тyani корхтатама серьезнайста.

АЛЯСЬ. Мезе?

АВАСЬ. Саты налхксемс. Ащек вастсот! (ладязе лангозонза револьверть). АЛЯСЬ (спокойнайста). Тяфта тят шутенда, Анна Бертольдовна. Оружиять мархта тя не рекомендуется.

АВАСЬ. О, аф, монь другоze, тядя пяк мон аф шутендан. Васенькигя тонь портфельцень. (Диванть лангста сязвоze портфельть).

АЛЯСЬ (серьезнайста, но нингя спокойнайста). Анна Бертольдовна, лоткак шутендамода. Путк портфельть. Тоса серьезнай документт.

АВАСЬ (резкайста). Синь тейнь эрявихть. О, наивнай вайме!... Сон нинге сембе думандай, што мон шутендан.

АЛЯСЬ. Тон страннайста вяцак монь мархтон пряцень... (Стяй).

АВАСЬ (резкайста.) Меки! Озада ащек! Или мон тонь ляцте, кода пинень, кда йорат стямос.

АЛЯСЬ (озай меки, тревожендаф). Анна Бертольдовна, Анна Бертольдовна...

АВАСЬ. Мон стама жа Анна Бертольдовнан, кода тон Георг королят. О, наивнай ломань! Сон думандай, што видекс усксть тядянц эзда куля. Ну, вов мезе... Бессмысленна юмафнемс сядя лама пинге аш. Сянкса дай корхтатама серьезнайста, спокойнайста, и аньцек тевонь колга. Васенькигя кулхцондомак монь.

АЛЯСЬ. Тон йонцта лисеть!

АВАСЬ. Тя курок кармай няевома. И тяфта—кулхцондт. Васенькигя, мон—аф Анна Бертольдовнан. Омбоцесь,

мон тядяцень мзярдонга сельме песонга изине няй. Мон тядяцень колга доставань кой-кодама сведеният, сяс мес получань задания сатомс тонь портфельцень и тонцень.

АЛЯСЬ. Моньценге?

АВАСЬ. Да. Тон тейнек эряват.

АЛЯСЬ. Кинди—тейнть? (Стясь. Сон эвотъф).

АВАСЬ. Тянь колга сядя меле. Озада ащемс! Кульсак,—ащемс! (Сон озай). Мон арьсян: кинди—тейнек и мезенди—тейнек—аф трудна шархкодемс. Надиян лувондат газетат. Тоса тя подробнайста азф. И тяфта, тон кармат миньцонок работама...

АЛЯСЬ. Сейчас мон карман ивадема... Тяза сайхть...

АВАСЬ. Тяза кивок аф сай. Минь нарошна свиданиянди кочкаськ тя вастть. Тяса аш фкавок вайме. Впрочем, тон аф кармат каштордома и тяфтаконга. Мон повфтаса лиймань пачк ярмактинге. Арьсян, што и тонья прязт аф эльбязезь повфтаса. (Няемок, што алясь кшморондазень клоконзон). Кяттнень вяри! (Резкайста). Вяри кяттнень, мон корхтан... Кда йорат шиса илядомс... (Сон кеподезень кядензон). Вов, тяфта сядя цебарь. Эрямс сядя лама шанста.

АЛЯСЬ (стракса). Кият тонць тяфтамсь?

АВАСЬ. Шарьхкотьк... Вдь тyani сембе сяка. Тяфтама каготтненень юмафтомаснон инкса аф простиндатыдязь. Тонь сембе сяка арестовандатыдязь. А минь нингя машттама толти ваень каяма. Минь кинди эряви минць пачфтьсаськ, што каготтнень тейнек мийть тонць эсь волясот.

АЛЯСЬ. Мийне?

АВАСЬ. Тядя башка—эряфсь. Тейть рана куломс. И тя тонь кядьсот кда тон улят минь мархтонок—минь мрдафцайнек тейть меки сембе нят каготтнень.

АЛЯСЬ. Мрдафцаинть?

АВАСЬ. Аньцек тят арьсе хитрондамс, кельгомай. Мархтонок тя аф йотай. Предварительна улихть сявфт сембе копиятне. Но илять тон можешь получамс меки. Кивок мезевок аф шарьхкоди. Тядя башка, минь питниста панттама. Валютаса панттама.

АЛЯСЬ (*курокста*) Кодамса?

АВАСЬ (*машинальна*). Немецкяйса... (*Стряндай*). А...Тонь ушеткшихть интересовандамот практическяй кизефксне... Цебярь признаксь... Оказывається, тон аф стама наивнаят, кода няеват.

АЛЯСЬ. Монь арестовандасамазь... Ляцсамазь...

АВАСЬ. Ну, аф тяфта курок. Тя пингть эзда тон кенерят тумос лия мастору, коса тонь лемозт банкаса ули панчф счет.

АЛЯСЬ. Тон вешат монь юмамазень...

АВАСЬ. Кда кие-бди юмай—минь аф пяк пичеттяма. Тонь эряфце, мзярс тон минь каршезнок,—минь аф интересовандасамазь. Сянкса тейть сяда цебярь ули, кда улят инксонок. (*Ивади*) Кяттнень вяри! Кирдить кепотьфста, кульсак! Курок тейнь тон съормадат съорманя.

АЛЯСЬ. Кодама съорманя?

АВАСЬ. Нят каготтненди сопроводительнай и вознаграждениянь получамать колга. Съорманясь улеза правдоподобнай. Тон съормадсак эськядьсот, кда йорат илядомс шиса. Тя съорманясь окончательнайста тонь соттанза мархтонк.

АЛЯСЬ. Мон мезевок аф съормадан.

АВАСЬ. Эста тячись—тонь эряфсот мекольдень шись... Вечнай пераце тонь ули?

АЛЯСЬ. Монь мезевок аш...

АВАСЬ. Мон монценнеть максса... (*таргай пера*). Сявк. (*Мольсь, макссы тейнза перать*).

АЛЯСЬ. (*резкайста ивади*). «Фталда!»

АВАСЬ. *рефлекторнайста шарксты. Эста сон йордави лангозонза и норгсы кяцтонза револьверть.*

АЛЯСЬ. (*ладямок авать лангс револьверть, ивади*). Кяттнень вяри!

АВАСЬ. *пяк эводезь, курооста машинальнайста кеподьсыень кядензон, но курооста самок йожезонза, ушеды вишкста и весяласта рахама.*

АЛЯСЬ. (*дивандазь*). Мес тон рахат?

АВАСЬ. (*Рахамбачк*). Сон... Сон арьсесь, што тя афкукс серьезна...

АЛЯСЬ. Мезе?

АВАСЬ. Кельгомай... Смешной ду-ролей... Кода эводсь, беднайнясь!.. (*рахай*).

АЛЯСЬ. Мезень колга тон корхтат?

АВАСЬ. Оцю шаба, неужели тон изить шарьхкодь, што мархтот шутендайхть?

АЛЯСЬ. Шутендайхть?

АВАСЬ. Впрочем, мон аф аныцек шутендань. Мон нингя репетирован-дань.

АЛЯСЬ. Мезе репетировандать?

АВАСЬ. Эсь од ролезень. Вдь мон—актрисан. Од пьесаса тейнь поручандаф диверсанткань роль.

АЛЯСЬ (*аф верондазь*). Аф виде...

АВАСЬ (*весеяласта*). Мон азондыне пьесань коряс сембе репликатнень. И кода странна: тон отвечать пцтай монь портнерозень валса.

АЛЯСЬ. Тон монь васькафнесамак...

АВАСЬ. Эряви налхкомс правдивайста. Аныцек эста верондайхть. Эряфсь—цебярь проверка. Тяда башка, мон йорань варжамс, кодамат тон ломанць. Тя обстановкасць тяфта располагает эксперименттненди. Оказывається, тон аф пяк стойкаят и смелаят. (*Рахай*).

АЛЯСЬ (*аф ламода смущеннайста*). Аф виде... Мон сембе сяка тейть мезевок афолень съормад.

АВАСЬ. Ну, тя нинге апак содак. Виденцяк вдь, кемоста эводеть... (*Моли теезонза*).

АЛЯСЬ (*потамок*). Тят шашне малав!..

АВАСЬ (*рахай*). Сон эводемать эзда изь са йожезонза, беднайнясь.

АЛЯСЬ. Макск тейнь портфелезень.

АВАСЬ. На. Кирдык сонь сяда кемоста.

АЛЯСЬ (*растеряннойста*). Мон аф шарьхкодьса... Тон мархтон пяк страннайста вятьсак прячень... Тон видекс шутендатель?

АВАСЬ. Монь глупай великанозе! Ожу тейть максса съормать.

АЛЯСЬ. Кодама съорма?

АВАСЬ. Тонь тончень тядянячень эзда, конань мон ускине мархтон. (*Тусь*).

АЛЯСЬ. Ков тон?

АВАСЬ. Ого! Сон эводемать эзда тейнь аф максы аськолдамс аськолкс. (*Пееди*). Но мон должен таргамс съормать. Сон аци диванть лангса сумканяса. (*Сявсы сумканяць, таргасы съормать*). Получак.

АЛЯСЬ. Видекс?

АВАСЬ. Тя сон мярьгсь тонь неж-

найста-нежнайста паламдот. И няйк, мон тянь тийса. А сяда меле, кда йорат, тутама видеста НКВД-в. Тоса тон выяснишь монь личностезень. *(Рахай)*. Тя нльня интересна.

АЛЯСЬ. Да, тя тядязень эзда... Видекс... *(Сяда верондазьни)*. Фу!.. Явсь седистон.

АВАСЬ. Кстати, сьвк эсь пушкачень. Тон апак стряндак лангозон можешь ляцемс. Тон пяк волновандафат.

АЛЯСЬ. Ладна. *(Озась шрать ваксс, шрать лангс путозе револьверть, тавадозе кядьсонза, сязезе конвертть)*.

АВАСЬ *(серьзнайста)*. Сяконь шовор, мон должна тейть тиёмс упрек. Тяни серьёзнайста ни.

АЛЯСЬ. Кодама?

АВАСЬ. Кельгомай, разве можна улемс тяфтама аф осторожнайкс: тон саят портфельса секретнай кагод мархта аф содаф аванди няиндема. Да нингя пригороду...

АЛЯСЬ. Но мон эряскадонь... Мон арьсень, тядязень сярядемац сяда серьёзнай.

АВАСЬ. Тон—советский инженерат. Нельзя улемс тяфтама аф осторожнайкс.

АЛЯСЬ *(смищеннайста)*. Тейнь вообще пяк визькс... Мон эсь прязень вятине, кода трус...

АВАСЬ. Пара. Сембе ломаттнень улихть лафча шисна. А револьверть монь кядьстон здорова норгить.

АЛЯСЬ. Тяса стама сетьме... Жутка...

АВАСЬ. Виде... Тя ломаттнень мархта катф куд... И сетьме... И сьоксесь вальмятнень омба бокса... Налхкомань мяльсь—тейнь апак учсек сась. Впрочем, ся, кие содасамань сяда ладс, аф дивандай. Мон вообще аф ламняда плязан. Кельгса всякай вещань тиемазень. *(Рахай)*.

АЛЯСЬ *(ваномок сьормать)*. Тяни тон монь пелемазень инкса кармат презирать... И азсак тядязенди...

АВАСЬ. Тят корхта глупость. Железобетоннай ломаттненди мон аф верондан. Тон—нормальной лomanят.

АЛЯСЬ. Мон эсь прязень вятине глупайста и растерянайста.

АВАСЬ *(весьласта)*. Пара. Аньцек сяда меле ульхть сяда осторожнай. Тяни тя пяк эряви.

АЛЯСЬ. Тядязень видекс аш мезевок пелькс? *(Путозе сьормать)*.

АВАСЬ. Да. Сон курок кармай якама. *(Вдруг рахай)*.

АЛЯСЬ. Месть рахат?

АВАСЬ. Монь тага эвондась забавнай мяль.

АЛЯСЬ. Кодама?

АВАСЬ. Вов ни тяни, кда мон аналине тонь револьверчень,—тон сонь афолить макс.

АЛЯСЬ. Анна Бертольдовна, аф эряви тянь колга корхтамс.

АВАСЬ. Значит, тон нинге монь аф верондасамак? Проста—любопытнаян.

АЛЯСЬ. Мон тонь верондате.

АВАСЬ. Эста мес жа аф максомс?

АЛЯСЬ. Мон тейть мярьган. Аф эряви тянь колга корхтамс.

АВАСЬ. Мон пяк келькса тяфтама вещань тиендема. Тяса проста интересна содамс ломанень психологиять состоянианц. Тейнь, кода актрисанди, особенна. Мезе тяса действондай? Дай, марса тяряфттама разобраться. Кда осторожность тк мес ина сразу сон ашель? Кда страх—значит, сякокс тейнь аф верондат? Кда апак матт волнения,—тага аф верондат. Вов путса кядезень тонь кядьчень и револьверчень лангс. *(Путозе кяденц сонь кяденц лангс, конань мархта вельхтяфоль револьверсь)*.

АЛЯСЬ. Анна Бертольдовна, сьвк кядьчень.

АВАСЬ *(серьзнайста)*. Минуткя. Проста—интересна. Мезе тяни марят? Тон эвотьфат. Аф верондамась вииясь?

АЛЯСЬ. Мон эсь прязень маряса пяк афловкайста. Аф содаса, кода реагировать. Сьвк кядьчень. Макс тейнь зепозон кяшемс наганть.

АВАСЬ. Но тон аф спокойнаят ни?

АЛЯСЬ. Анна Бертольдовна, мон прошу тонь...

АВАСЬ. Сейчас... ай!..

Авась бта случайна афосторожнай движениянц мархта алять плманжалангста йордазе портфельть. Сон маши нально курокста комай портфельть кеподема. Авась эряскадозь фатясы револьверть и курокста комоти фталу.

АЛЯСЬ *(ивади)*. Анна Бертольдовна!..

АВАСЬ (*ивади мярьгозь*). Вяри кяттнень! Вяри—или мон ляцянь!

АЛЯСЬ (*машинально кеподьсыне кядензон*).

АЛЯСЬ. Анна Бертольдовна, прошу тоть, лоткак. Тяса вдь аф ломанень психологиянди анализонь тийндема лаборатория. Макс меки револьверозень.

АВАСЬ. Аф, монь питни ломанезе. Тяда ламоксть тоть сонь аф получасак. Тяда ламоксть тейть аф удалай монь васькафтомс апак учсек крикса. (*Резкайста*.) Портфельть! (*Нотфтазе алять кядьста портфельть*).

АЛЯСЬ. Тяни мон окончательно аф шарьхкодьса, шутендат тон или аф...

АВАСЬ. Месина эста тяфта трнаты тон вайгяльце? Ложь. Сембонь шарьхкодьсак. Тяни тон курок кармат сьорманянь сьормадома.

АЛЯСЬ. Значит, што тя действительна виде?

АВАСЬ. Шарьхкотьк,—минь питниста панттама, и пцтай аш кодамовок риск: аньцек копиятнень снимандакшнемс. Сяфть пера и сьормадт. Мон колмос карман лувоме. Колма валть лангса мон обычна ляцянь. И тят пель: верондак—тон минь йотксонь аф ськамотат.

АЛЯСЬ (*курокста*). Геллер тиньцонт?

АВАСЬ. Мезе? Коста тон содасак? (*Дивандамать эзда нлтай потась*)

АЛЯСЬ. Тейнь кой мзярда арсесь, бта сон кинь-бди мархта сотф... Монць аф содаса мес... Но мон изине сода кинь мархта.

АВАСЬ. О, сонь мархтонза ульсь сяда проста. Сон—немец. Сон афольхце ный тя странать стане жа, кода афольськ ный минь.

АЛЯСЬ. А Васильев инженерсь! А Петровсь? (*Нолдазень кядензон*).

АВАСЬ. Няг нингя аф мархтонок. Няг нинге аф макссихть пря. Но минь синьгя машттама сьвомс. Минь синь кошардсайнек тейнек работама. (*Ивади*) Вяри кяттнень! Кирдить синь кепотьфста, кульсак!

АЛЯСЬ. (*одукс кеподьсыне кядензон*). Но коста кядезт повсь тядязень сьормац?

АВАСЬ. Минь сьвоськ сонь квартирастот почтовой ящикть эзда. Сон

ульсь нльня апак пькстак. Но сяда товтейть сави улемс сяда осторожайкс. Минь тяфтама небрежностть аф простиндасаськ.

АЛЯСЬ. (*курокста*). А Петровский конструкторсь?

АВАСЬ. Мезе?

АЛЯСЬ. Сонга мархтонт?

АВАСЬ. Аш. Тинь проектнайстонт мзярс аньцек Геллерсь. Ожука... Тон бта монь кизефнесамак. Кие тейть тьянди макссь права?

АЛЯСЬ. Страшна ськамон улемс... Мон эздонт пелян...

АВАСЬ. О, аф ськамот улят. Геллерсь тейть лезды. А тоса и лиятневок.

АЛЯСЬ. Мезе мархтон тият?

АВАСЬ. Максан тейть заработать свехурочнай работаса. Тон кармат сотксонь кирдема лична монь мархтон.

АЛЯСЬ. Но тоть могут кундамс... Арестовандамс...

АВАСЬ. О, аф! Тя аф стама проста. НКВД-ста Анохинць панци мельган, кода пинесь дичть меле, мон содаса. Но тейнза аф удалай монь кундамс. Аф! Мон аф сятнень эзда, конатнень кундсесазь штада кядьса. И кда мзярдонга тон васьфтьсак тя Анохинть, азк тейнза, што сон аньцек молокосос. Тянь можешь тейнза азомс монь лемстон.

АЛЯСЬ (*курокста пьк спокойнайста*). С удовольствием. Мон азса. (*Нолдасыне кядензон*).

АВАСЬ (*ивади*). Мезенди нолдайт кяттнень? Вяри!

АЛЯСЬ (*спокойнаста*). Таргамс мялезе. (*Таргась папиросат. Аватингя предлагает*). Прошу тоть.

АВАСЬ (*ивади*) Вяри кяттнень, или ляцянь мон!

АЛЯСЬ (*спокойнаста*). Тон ляцят, а сон аф ляци. (*Курендай*).

АВАСЬ. Мезе?

АЛЯСЬ. Револьверсь апак заряджак... Юкстайне, шарьхкодьсак ли, шобдава зарядиндамс...

АВАСЬ (*курокста варжасы*). А, черт! (*Йордазе револьверть, пелезь потай*). Кият тон тяфтамсь?

АЛЯСЬ. (*спокойнаста*). НКВД-ста Анохин молокососсь. Имею честь представиться.

АВАСЬ. Мезе?!

АЛЯСЬ. Тяконь шовор, тейнь максф сведениягнень инкса оцю спасибо. Илядыкснень тон азсайт меле, аф виде ли? Вдь тyani, кода тонць шарьх-кодьсак, потнемс бессмысленна. (*Няемок, што авась йорай ворьгодемода, спокойнайста*). Ворьгодемс не стоит. Кудсь оцепленной. (*Сон лоткась. Тоса потай шрать тейс*). Стане жа не стоит. Хоть шрань ящикть эса аноклаф револьвер—тя аф лезды ни. Мярк, мон монць сывса. (*Мольсь шрать малас, сявозе ящикть эзда револьверть, спокойнайста путозе зепозонза*).

АВАСЬ (*обморокти малаткшнемок*). Аф... Аф... Тон аф Анохинат.

АЛЯСЬ. Аньцек обморокс тят пра. Стане жа аф эряви.

АВАСЬ. Кода... кода тейть повсь минь съорманьке? Минь кучеськ сонь Андреев инженерти.

АЛЯСЬ. Андреев инженерсь, к сожалению, пяк заняф. Минь условились, што сонь полафтса мон. Мон надиян, што аф ули ширдет претензия.

АВАСЬ (*озай диванть лангс*). Месть... месть налхкоть мархтон, кода катось шеерть мархта? Мес эстакиге монь иземайт фатя?..

АЛЯСЬ. Монь мялезель предварительно тонь кядьстот кой-мезе содамс. А сядонга пяк Геллеронь колга. Эсь подозрениянень йорайне проверямс. Вдь обычной допроса тон улелеть ба сяда сдержанной, аф видели? И тя аньцек мзяршкас кирнелхцетевть молеманц.

АВАСЬ. Но тон норгить монь кядьстон револьверть...

АЛЯСЬ. Налхкомась, кода тонць аф-кунара утверждандайт, должна улемс правдоподобнайкс. Мон стане жа не должен улемс сафтомс тонь сомнениягнень. Но тyani, эряви арьсемс, тон улят откровенной. Вдь тyani сембе сякани, аф виде ли?

АВАСЬ *ащи озада диванть лангса, ваны сонь лангзонза страх мархта*.

АЛЯСЬ (*думандазь*). Кода тяза сетьме... Тя шава кудсь... И панжада кенькшне... и сьоксесь вальмятнень фтала... И сетьме, сетьме... Бта сембе мирса удивительной спокойствия. (*Пауза. Молчание. Ваны частонзон лангс*). Курок тейнек туйхть машина. (*Сценать фтала автомобилень гугама*). Вов няйсак, кода точнайста.

(*Занавес*).

Мокшень кяльс йотафтозе

Я. Пинясов.

ЛЫЖНИКТ

А. Мезякаев.

Вов ни йотни
Тялоть омба палец;
Цютькя лямбондсь
Тялонь кельме шись.
Тяса касы
Гурьксни лыжникть мялец;
Эйса вадевсь
Инголенза кись.
Лама марят
Одонь кайги валда,
Хоть и лямбе, —
Но кинясь изь начка.
Шинясь варштась
Ловонь туцять фталда,
Валдоптсь лыжникть
Шаманд гурькстомбачка.
Тяса лыжникт,
Аноклайхть зачетти,
Фкя-фкянь ётазь
Инголи синь сайхть.
Максыхть нормат
Г Т О значокти.
Губор пряста —
Нармонькс синь лифтайхть.
Щека прясна
Якстерьхть, кода марьнят.
Синь од шисна
Панжи, кода мак.
Весяласта
Корхтайхть кельгом валнят.
Кайги морот
Морайхть гурькстомбачк.

1939 к.

ОГЛАВЛЕНИЯСЬ

1. Социализмань эпохань лучшей поэтсь Владимир Владимирович Маяковскийсь.	5
2. В. Перцов—103-це № одиночкась	7
3. В. Николаев—Вильям Шекспир	11
4. А. П. Назарова—Сьорма Сталинти.	13
5. Ив. Чумаков. Йофкс сянь колга, кода алясь топафтозе попть.	15
6. Я. Пинясов—Постса.	18
7. Н. Островский—Синь шачфтозень бурясь.	20
8. Г. Ельмеев—Захар атя.	38
9. М. Кяшкин—Разведчикт.	39
10. А. Малькин—Тундань илядь.	44
11. Ив. Пузаков—Ве.	45
12. Я. Ялунер—Сире дачаса	50
13. А. Мезякаев—Лыжникт.	57

Л. 1939 г.
Акт № 208
Вкладн. л.

9502

Питнец 1 ц.